

• Bible, John Kelle (Gaboon)  
1879

THE GOSPEL ACCORDING TO  
  
ST. JOHN,  
  
IN  
  
THE DIKĚLE LANGUAGE;

TRANSLATED

BY AMERICAN MISSIONARIES

AT

GABOON, WEST AFRICA.

---

NEW YORK:  
AMERICAN BIBLE SOCIETY,  
INSTITUTED IN THE YEAR MDCCXVI.

---

1879.

# J Ò N.

---

## THANGÂKÂ 1.

1 Dibongwě a wu pě ditatyiki, diô Dibongwě a wu na Anyambiě, diô Dibongwě a wu Anyambiě.

2 Yěmětě yě wu na Anyambiě pě ditatyiki.

3 Yě mikâmi bilombi biěshě, dio na tyi yě ka alo-mbi jěshě yi tyi mibě, yi mishi kâmiě.

4 Thaki' tha wu nêi; diô thaki' thati thô bithânh bi botyi.

5 Diô bithânh bi panya pě divityiki, diô divityiki do biô shinhliě.

6 ¶ Mutyi a wuthě, ngwa Anyambiě a milomi; dina diei na, Jôn.

7 Mutyi ti a minzhî pě nvesha, na a veshi' *botyi* Bithânh, na bâ beshě ba mēli' na *gwana* gwēi.

8 Ayēmě a tyi wu Bithânh bitî, nji a *milomiě* na a veshi' pě mbô wu Bithânh.

9 Bithânh bi mbombo biô yě, ngwa nzhakamě pě pēnzhe nyi, na dithânhshě mutyi jeshě.

10 A wu woni pēnzhe nyi, diô yě mikâmi pēnzhe nyi, diô pēnzhe nyô do yě veka.

11 A minzhî pě mběimětě ba thî, diô ba tyi minânh yě.

12 Nji ntangi wu minânh yě, a mivě bâ nguldi nya dibě bana bambi Anyambiě, bâ ba mibunli dina diei;

13 Bâ ba mibialiě ana na makitha, do na ndiqwa wu nshoni, do na ndiqwa wu botyi nji na Anyambiě.

14 Diô Dibongwě a mivitya nshoni, na didi nashi na *ma'* mabēnh na mbombo bēni; diô beshě ba mijē' nēnia gwēi, *ntyinh* mbo nēnia wu miana ngwadikika dimbi Anyambiě.

15 Jön a miveshi pë mbö gwëi, na dilubila thobë na, Yë wâ ngwa më mibonhthi na, Yë ngwa thî më bâmbâ a wu pë boshi biami, na diambilindi ye mibonji bë na më.

16 Diö beshë bëshë ba nânhmë pë dibuthë diëi, mabënh na mabënh.

17 Nadiambilindi nthali Mosës a mivë gwö, nji *ma'* mabënh na mbombo bi minzhî na Jisu Kraisi.

18 Shi na mutyi ngwa jëkamë Anyambië na peli; Miana ngwa dikika, ngwa thî pe tothî nya Shanwë, yë mithathi *botyi yë*.

19 ¶ Diö nthaka wumbi Jön wö wu, mia Baju ba milomi baminisë na Balivait na diwu' pë Jiruselëm, na ba piki yë na, Wë nzha?

20 Diö yë mimëmi, yë do shâshë, nji a mimëmi na; Ana më pë Krai.

21 Diö ba mipi' yë na, Na pë? Wë Ilaias? Diö yë mikâ na, Ana më pë yë. Ana wë pë nshâ' tî? Diö yë mibulishi na, Bia.

22 Diö ba mikâ yë na, Nji wë nzha? na, beshë ba thaki' bâ ba milomi beshë. Wë kâ pë mbö gwâ na?

23 A mikâ na, Më dioi di *mutyi* ngwa thî länh pë thakombi na Limbikwâ' nzhetha nyambi Anyambië! mbo ngwanshâ' Aisaia a mikâthi.

24 Diö bâ ba milomië ba wu ba Bafaraisi.

25 Diö ba mipi' yë, na dikâ yë na; Ndî wë baptaiza, na wë shi Krai mëttë, do Ilaias, do ngwanshâ' tî?

26 Jön a mibulishi bâ na; Më baptaiza na madiba; nji mutyi a tëli pë tema nyani, ngwa be sha beka;

27 Yë wâ ngwa thî më bâmbâ, a wu nji pë boshi biami; ngwa më shi na nyanga nya dityinhtha nshiya wu ntyotyî gwëi.

28 Bilombi bi bi mibë pë Bëthani pë biatyî bini bi Jördan, va Jön a mibë a bë baptaiza *botyi*.

29 ¶ Bia lënjë diö Jön a mijë' Jisu a bë nzha pë yë thî, diö a mikâ na; Shanga' Alëké yindâmâ' yimbi Anyambië yi ponha bibe bi pënzhe nyi.

30 Yë wâ ngwa më mibonhthî pë mbö gwëi na,

Mutyi a thî mē bāmbā, ngwa wu pē boshi biāmi, nadiāmbilindī yē mibonji bē na mē.

31 Diō mē tyi mive' ye, nji mē nzhīmē baptaiza na madiba na, a jēnikwa' pē ba Israēl ba thî.

32 Diō Jōn a mithathi na, Mē mijē' Nshinhshinh wu bē shula na diwutha pē thobē mbo dipepika, na didi pē yē thî.

33 Diō mē tyi mive' yē; nji yē ngwa milomi mē pē dibaptaiza na madiba, a mikā mē na; Mutyi ngwa wē ē jē' Nshinhshinh wu bē shula na didi pē yē thî, yē ngē yē ngwa baptaiza na Nshinhshinh wu akitha.

34 Diō mē mijēni, na dithatha na, wā Miana mbi Anyambiē.

35 ¶ Bia lēnjē njikē Jōn a mibē, bā na baba ba bajethi bēi.

36 Diō yē mishanh Jisu a bē thēnhtha, diō yē mikā na, Shanga Alēkē yi ndāmā' yimbi Anyambiē.

37 Diō bajethi batī baba ba mijo' mbo yē mikāthi, na dithēpiliē Jisu.

38 Diō Jisu a mijilia na dijē' bā ba bē yē thēpiliē, diō yē mikā bā na;

39 Be toka ndī? Diō ba mikā yē na, Rabbi (nzhilia nya dibongwē di wō na, Njeli) wē di vī?

40 Diō yē mikā bā na, Nzha jēkani. Ba minzhî na dijē' va yē midika; diō ba midī nēi ashu yitī. Nadiāmbilindī busha na dilenjē ma minu' diom di magwēla.

41 Andru manyanh mbi Pitē yē wu nwoto pē baba ba mijo' *gwana wumbi* Jōn na dithēpiliē yē.

42 A mibonji je' manyanh Salmon, na dikā yē na, Beshē ba jēmē Mēssaia, di thî na nzhilia na Kraia.

43 ¶ Diō yē mindeshi yē pē Jisu thî. Diō mia Jisu a mishanh yē, a mikā na, Wē Salmon miana mbi Jona; wē ē thebiē na Sifasi, di thî na nzhilia na, Dikākī.

44 Bia lēnjē diō Jisu a mikiē pē Galili; diō yē mijē Filīp, na dikā yē na, Thepili' mē.

45 Diō Filīp a beta di pē Betsaida, akoldi yimbi Andru na Pitēr.

46 Filīp a mijē' Netanēli, na dikā yē na, Beshē ba jēmē yē ngwa Mosēs pē mithali bā na banganh ba

milénji pë mbö gwëi, Jisu Ngwanazerëti miana mbi Josëfi.

47 Diö Netanëli a miká yë na, Alombi yibënh yi wolihi wu' pë Nazerëti? F'ilip a miká yë na; Nzha jëké.

48 Jisu a mijë' Netanëli a bë nzha pë yë thî, diö yë miká pë mbö gwëi na, Shanga, Ngwaisrael mbombo, ngwa shi na madiaka.

49 Netanëli a miká yë na, Wë vemë më na ndî? Diö Jisu a mibulishi yë na, Më mijë' wë pë shî nya jeli yi ateta, mia tî F'ilip a sha thebi gwë.

50 Netanëli a mibulishi yë na, Shaqwanë wë ngë Miana mbi Anyambië, wë ngwabotyî yi Israel.

51 Jisu a mibulishi yë na, Nali-kâna, më kâmë wë na, Më mijë' wë pë shî nya jeli yi ateta, diö wë mëlië? Wë ë jë ma' manën nulami na ma.

52 Diö yë miká yë na, Mbombo më kâ wë na, pë boshi wë ë jë' thobë thânh, na baminlomili bambi Anyambië, beta bibe tyika, na shula bishulika pë Miana ngwa mutyi thî.

## THANGÂKÂ 2.

1 Ashu yilalië diö dibe' di dibatha di mibe' pë Kene yi Galili; diö nyanh mbi Jisu a wu tî.

2 Jisu a mithebië nji' pë dibeki, bâ na bajethi bëi.

3 Diö mia divë di mitokwa, nyanh mbi Jisu a miká yë na; Ba shi na divë.

4 Jisu a miká yë na, Miali wâ, ndî thî nanâ, digwëla diamë di sha nzha.

5 Diö nyanh a miká bavënhli-atabuni na; kâmika' alombi jëshë yi yë ë be kâthâ.

6 Diö makopa ma makâki ma wu tî shini matani na poto, pë diambi di dijobitha di Bajû, ma beta koka miëlia do miba do milali.

7 Jisu a miká bâ na; Lonishaka' makopa na madiba; diö bâ ba milonishi mâ bëni.

8 Diö yë miká bâ na; Dianhliaka' va, na dililië pë ngwa-thangâkâ tha dibeki thî; diö bâ ba mililië.

9 Mia ngwa-thangâkâ tha dibe' a mikie' madiba ma

vityikwamě divě, (yě do veka va mō ma wuka, nji bavēnhli-atabuni ba midianhli, ba miveki,) ngwa-thangakâ tha dibeki a mithebi ngwambathi na dikâ yě na,

10 Mutyi jěshě a bonda tēliě divě dibēnh, diō mia botyi ba bulimě (nātā' wēna *divě* dibe; nji wě talimě divě dibēnh na dinzha va.

11 Ditatyiki di bilemba di Jisu a mikāmi diō pě Kēne yi Galili na dilebiliě nēnia gwēi; diō bajethi bēi ba mibunli yě.

12 ¶ Pisha tī Jisu a mikiě pě Kapērnaum, bā na nyanwě, na bamanyanwě, na bajethi bēi; diō a tyi mitha' tī mashu malibuthě.

13 ¶ Diō dibe' di nulia di Baju di mikunibi, diō Jisu a mibe tyi pě Jērusalēm.

14 Diō yě mikābiě pě mbanh wumbi Anyambiě botyi ba beta shomba banyatyī na bindāmāki na mapepika, na bashēnhli ba mabom, didi.

15 Diō mia yě mikāmi mbisha wu mishiya mishali, a midushi bā beshě nadiwutha pě mbanh wumbi Anyambiě, na bindāmāki na banyatyī. Diō yě mishobi mabām ma bashēnhil, na dibutyiě bitabuni;

16 Diō ye mikā bā ba beta shomba mapepika na; Thokaka' bilombi bi va; Sha vitaka' pě mbanh wu Shanwamě mbanh wu mashombi.

17 Diō bajethi ba milanhli na, yi milēnji na; Diainh di mbanh gwāyě di shimě mē-dia.

18 ¶ Diō Baju ba mibulishi na dikâ yě na; Alemba tinzha yi wě lebiliě beshě, na wě ē kāmā bilombi bi?

19 Jisu a mibulishi na dikâ bā na; Vanzhika' mbanh wu, diō mashu malali mē ē wā bali lonha.

20 Dio Baju ba mikā na; Mbanh wu wu mishi longwa na mabom ma mimbu manai na mimbu mitani na wuoto; nji wě ē wō lonha mashu malali?

21 Nji a milubili pě mbō wu mbanh wu nyuli nyēi.

22 Mbonāwu mia yě mijomia na diwu' pě digwa, bajethi ba milanhli na, a mibonhthi bā alombi yitī; diō bā ba mimēli nlēnja na dibongwě di Jisu a mibonhthi.

23 ¶ Diō mia yě wu pě Jēruselēm pě dibe' di nulia,

balibuthë ba mibunli dina diei pë dibeki, mia bâ ba mijë bilemba biëi bi yë mikami.

24 Nji Jisu yëmëtë a tyi mibunli bâ, nadiambilindÿ a mivë' bâ bëshë;

25 Dið a tyi mibë nji' na mbambi na, mutyi a veshi' yë pë mbö mbi mutyi; nadiambililindÿ a mive' alombi jëshë yi wu pë punh nya mutyi.

### THANGÂKÂ 3.

1 Mutyi a wu pë Bafaraisi ba thÿ, dina diëi na Nikodimo, ngwanami pë Baju ba thÿ.

2 Mutyi tÿ yë minzhÿ pë Jisu thÿ na mpuma, na dikâ yë na; Shanwashi, beshë ba vemë na wë njeli ngwa wukamë pë Anyambië thÿ; nadiambilindÿ shi na mutyi ngwa woli kâma bimamia bi bi wë kâma vënh Anyambië a bë nëi.

3 Jisu a mibulishi no dikâ yë na, Mbombo më kâ na, na mutyi a sha biallë na diwu' pë thobë, wëna a tyi woli jë' divala dimbi Anyambië.

4 Dið Nikodimo a mikâ yë na; Mutyi a bialiki na, na a mbie ntoli? A woliki bali' nyinhtha pë mâi wu nyanwë na dibiallë?

5 Jisu a mibulishi na; Mbombo më kâ wë na; na mutyi a sha biallë na madiba na Nshinhshinh, wëna a tyi woli nyinhtha pë divala dimbi Anyambië.

6 Alombi yi bialikwamë na nshoni yö nshoni; dið alombi yi bialikwamë na nshinhshinh yö nshinhshinh njikë.

7 Komë mamitha nalikâna, më kâ wë na; Bialia-kani no diwu' pë thobë.

8 Mpunga wu pëpilië va gwö wu dinha, dið wë joka mpëpilia wutÿ, nji wë sha veka do va gwö wu wutha, do va gwö wu kië; nani nji mutyi jëshë ngwa bialikwamë na Nshinhshinh a thÿÿ.

9 Nikodimo a mibulishi na dikâ yë na; *Mambi* ma ma woliki bë na?

10 Jisu a mibulishi na dikâ yë na; Wë njeli ngwa Israel, wë do veka *mambi* ma?

11 Mbombo më kâ wë na; Beshë ba lubimë *mambi*

ma beshê ba vemê, na diveshê mō ma beshê ba jēmê ;  
nji be do nānh nvesha gwashi.

12 Na mē bojīmē be mambi ma pēnzhe nyi, be do  
mēliē ; be ba a mēliē na, na mē bojīmē mambi ma  
thobē ?

13 Diō shi na mutyi ngwa betyikamē pē thobē na  
peli, nji ngē yē ngwa shulikamē na diwutha pē thobē,  
yē Miana ngwa mutyi ngwa thī pē thobē.

14 ¶ Diō mbo Mosēs a mipetyi nyōnh pē thakombi,  
mbonā nji Miana ngwa mutyi a petyibiki ;

15 Na, mutyi jeshē ngwa yē bunliē a tyī magwa, nji  
a bē' na thaki' th' adukwa jeshē.

16 ¶ Nadiambilindī Anyambiē a midinh pēnzhe nyi  
na thadinh thatī thō tha yē mivē Miana ngwēi ngwa-  
dikika, na mutyi jeshē ngwa yē bunliē a tyi magwa,  
nji a bē' na thaki' th' adukwa jeshē.

17 Nadiambilindī Anyambiē a tyi milomi Miana  
ngwēi pē pēnzhe nyi, na a kwīshi pēnzhe nyi, nji na  
pēnzhe nyi nyi kiki nēi.

18 ¶ Yē ngwa bunliē yē a shi na makwa, nji ngwa  
sha bunliē makwa ma thī nēi, nadiambilindi a sha  
bunliē dina di Miana mbi Anyambiē ngwadikika.

19 Nji makwa mā ma ; na bithānh bi njimē woni  
pēnzhe nyi, diō botyi ba dinha divityiki dakami na  
bithānh ; nadiambilindī bishali biabi bi thi bibe.

20 Nadiambilindī mutyi jeshē ngwa kāmā bibe, a  
bena bithānh, diō a sha nzha pē bithānh nalikāna  
bishali biēi bi jē' pē lebiē.

21 Nji yē ngwa kāmā mbombo a nzha pē bithānh,  
nalikāna bishali biēi bi jenikwani na, bi mikubi mbo  
ndiṅwa wumbi Anyambiē wu thē yī.

22 ¶ Pisha nya bilombi bi Jisu aminzhī pe pēnzhe  
nya Judia, bā na bajethi bēi ; diō yē midi nabi tī na  
dibaptaiza.

23 ¶ Diō Jōn njikē a bē baptaiza pe Inon kuna na  
Selim, nadiambilindī madianh ma wu tī malibuthē ;  
diō bā ba minzhi na dibaptaiziba.

24 Nadiambilindī Jōn a tyi mibē a biethibimē pē  
mboka adu' yitī.



25 ¶ Dið bajethi bambi Jŏn bá na Baju ba mibomília mapende pë diambi di njobia.

26 Dið bá ba minzhí pe Jŏn thí, na diká yě na; Shagwashí, ngwa wu náyě pë biatyí.bini bi Jordan, ngwa wě miveshi pë mbõ gwěi, Sha', a thí baptaíza, dið botyi bëshě ba thí nzha pë yě thí.

27 Jŏn a mibulishi na diká na; Mutyi a sha woli' nánh n' alombi, věnh na yi věbimě yě na diwutha pë thobě.

28 Bemětě be veshimě pë diambi diamě na, mě kāmě na; Mě shi Kraís mětě, nji mě milomiě pë boshě biěi.

29 Ngwa thí na miali yě ngwambathi; nji jombi mbi ngwambathi, ngwa tēbě na dijoka mbo yě lubila, a dona bidonika pë diambi di divi di ngwambathi. Mboná adoni jamě yi yi komě.

30 Yě nēniki, nji mě mě shalibiki.

31 Yě ngwa wukamě pë thobě, a thí pë thobě tha bá bëshě; ngwa thí ngwa pēnzhe, yě thí ngwa pēnzhe nyi, dið yě lubila pë mbõ wu pēnzhe nyi; ngwa wukamě pë thobě a thí pë thobě tha bá bëshě.

32 Dið bi yě jékame na dijoka bið bi yě veshě; nji shi na mutyi ngwa nānhmē nvesha gwěi.

33 Yě ngwa nāngame nvesha ngwěi a mēmimě na Anyambiě a thí ngě mbombo.

34 Yě ngwa Anyambiě a milomi, a lubila mabongwě mambi Anyambiě; nadiambilindí Anyambiě a sha vě yě Nshinhshinh vishivishaliě.

35 Ngwashanwě a dinha Miana, dið bilombi bieshě a věmě bið pë mbõ gwěi.

36 Yě ngwa bunliě Miana a thi na thaki th' adukwa jěshě; nji yě ngwa sha bunliě Miana, a tyi jě thakiki; nji mbimba nyambi Anyambiě nyi thí něi.

#### THANGÂKÂ 4.

1 Mia Shanb a mive' na, Bafaraisi ba mijo' na, Jisu a mikami na dibaptaíza bajethi dakami na Jŏn;

2 (Nji ana Jisu mětě pë mibaptaízi, nji bajethi,)

3 A mithokwa pë Judía, na díbali nzha pë Galaili.

4 Dið yi wu na a leninga Semeria.

5 Diô yê minzhî pê akoldi yi Semeria yi thebiê na Sukar, kuna n' akanh yi Jekobi a mivê miana ngwêi Josêfi.

6 Diô lidianh dimbi Jekobi di wu tî, Jisu dâkami mboothê diô a midi shi yê *nzhu' nya* lidianh ; diô busha na dilênjê ma mibê ma numê magwêla matani na diwoto.

7 Diô mimiali Ngwasemeria a minzhî dianh madiba ; Jisu a mikâ yê na ; *Mimiali wê*, vê mê madiba.

8 (Nadiambilindî bajethi bêî ba mibê ba kiêmê pê mboka shomba bidia.)

9 Diô miali Ngwasemeria a mikâ yê na ; Yi thî na, wê bê Ngwaju, wê disha mê pika madiba, mê bê miali Ngwasemeria ? (nadiambilindî Baju ba shî na bajombi na Basemeria.)

10 Jisu a mibulishi na dikâ yê na ; Na wê vemê bwê' bimbi Anyambiê na yê ngwa kâ wê na, vê mê madiba, ka wê kamê yê pika, diô a kumba wê vê madiba ma thakiki.

11 Ngwamiali a mikâ yê na ; Sharwamê, wê shi na adianhtha, diô lidianh di thî nji dilimi ; nji wê thî na madiba ma thaki' ma vî ?

12 Wê thî dakami na Sharwashi Jekobi, ngwa mivê beshê lidianh di, na dinâtâ tî, bâ na bana bêî, na bithe-mbi biêî ?

13 Jisu a mibulishi na dikâ yê na ; Ngwa nâtâ madiba ma a a bali gwa aveshithê ;

14 Nji ngwa nâtâ madiba, ma mê ê yê vê, a tyi gwa pê na aveshithê adukwa jêshê ; nji madiba ma mê ê yê vê, ma ê yê bê pê pungwê lidianh di madiba dibunjitha pê thaki tha adukwa jêshê.

15 Ngwamimiali a mikâ yê na ; Sharwamê vê mê madiba matî, mê do pê na gwa avêshitha, do nji va nja dianh.

16 Jisu a mikâ yê na ; kiê thebika yâ nthomi, wê ê nzha.

17 Ngwamimiali mibulishi na dikâ yê na ; Mê shi na nthomi. Jisu a mikâ yê na ; Wê vemê lubila na ; Mê shi na nthomi.

18 Nalikana wê miba' na peli mithomi mitani; nji ngwa wê thî nêi va, a shi yâ nthomi; wê kâmê alombi yinâyi mbombo.

19 Diô ngwamimiali a mikâ yê na; Shaṇwamê, mê jê wê nshâki.

20 Bashanh bashi ba beta junh *Anyambiê* pê mbeka wu; nji be ba kâ na, womba va botyi ba junwê va thî pê Jiruselêm.

21 Jisu a mikâ yê na: Miali wâ, meli' mê na digwêla di thi nja, di be tyi junh Shaṇwê do pê mbeka wu do pê Jiruselêm.

22 Be ba junwê, nji be sha veka yi be ba junwê beshê ba veka yi beshê ba junwê, nadiambilindî nshuṇwa wu wu' pê Baju ba thî.

23 Nji digwêla di thî nzha, di thi nji va, di bajunh bambombo ba ê junh Shaṇwê na nlema na mbombo; nadiambilindî Shaṇwê a toka ba ntyinh wu ba junh yê.

24 Anyambiê yê Nshinhshinh; diô bâ ba junh yê, ba juṇi na nlema na mbombo.

25 Ngwamimiali mikâ yê na; Mê veka na, Messaia a thî nzha; (ngwa thebiê na Krais,) na a nzhimê kâ a bojimê beshê bilombi bieshê.

26 Jisu a mikâ yê na; Mê ngwa thî nâyê lubila, mê yê.

27 ¶ Ba bê lubila ma' ma diô bajethi bêi ba mipami, diô ba mimamithi mia yê miluba na ngwamiali; nji tyi mibê na mutyi ngwa mikâ na; Ndî wê toka? do ndî wê lubila nêi?

28 Diô ngwamimiali mili dibeya diêi diô a mibulia pê mboka, diô yê mikâ botyi na;

29 Nzha jêkani mutyi ngwa shikamê mî thatha bilombi biêshê bi mê na dikâmâ; ana Krais wâ?

30 Diô bâ ba miwu pê mboka, na dinzha pê yê thî.

31 ¶ Ngwamimiali kiêthamê bajethi ba mishoshili yê na; Shaṇwashi, diaka.

32 Diô a mikâ bâ na; Mê thî na bidia bi mê dia, bi be sha veka.

33 Diô bajethi ba miluba bâ na bâ na; Mutyi a ndeshi yê bidia?

34 Jisu a mikâ bâ na; Bidia blamě bi thĩ na; mě kâniki thadinth thambi ngwa milomi mě na dishili ashali jěi.

35 Be sha kâ na; ba likamě bangânjě banai wěna adu' yi nkatya yi nzhĩmě? Shanga, mě kâ be na; benaka' mishi be ba a shanh bikanh, na bi mbie bipumi pě dikatyiba.

36 Diő ngwankatyi a nânih biba na dikusha bidia pě thaki' th'adukwa jeshě; na, ngwamběthi na ngwankatyi ba doniki nshamba wuoto.

37 Pě alombi yi dibongwě di thĩ mbombo na, nwoto mběthi, nwâkâ kě nkatyi.

38 Mě milomi be pě dikata yě yi be sha kuba; bawâ' ba shimě kuba, diő be ba tâbimě pě bishali biabi.

39 ¶ Diő Basemeria balibuthě ba akoldi yinâyi ba mibunli yě na diambi di dibongwě di ngwamiali a miveshi na; A mithathi mě bilombi biěshě bi mě na dikâmâ.

40 Nani kě mia Basemeria ba minzhĩ pě yě thĩ, ba mishoshili yě na a di' nabi; diő yě mitha tĩ mashu maba.

41 Diő bawâkâ balibuthě ba mibunli na diambi di dibongwě diěi mětě;

42 Diő bâ ba mikâ ngwamiali na; Beshě bunlimě dě ana na diambi di dibongwě diâ; nadiambilindĩ beshě-mětě ba jomě, diő beshě ba vemě na, wâ Kraish mbo-mbo, Nkishi ngwa pēnzhe nyi.

43 ¶ Mashu maba nulami, diő Jisu a mithokwa tĩ, na dinzha pě Galili.

44 Nalikâna Jisu yēmětě a miveshi na, ngwanshâ' a shi na junh pě pēnzhe nyěi mětě.

45 Diő mia yě minzhĩ pě Galili, Bagalili ba minânih yě, nadiambilindĩ ba mijě' bilombi biěshě bi yě mikâmi pě Jiruselēm pě dibeki; nadiambilindĩ bâ ba mikiě nji' pě dibeki.

46 Diő Jisu a mibali nzha pě kene ngwa Galili va ye mivĩtyithi madiba divě. Diő anami yi mibě ngwa mia-na ngwěi a mitatyika pě Kepěrnaum.

47 Mia yě mijo'na Jisu a pamimě pě Galili mia yě

miwu' pë Judia, a mikië pë yë thÿ, na dishoshili yë na, a shilikwa na dinzha yë joma miana ngwëi; nadiambi-lindi a wu bideli mëtë.

48 Diö Jisu a mikâ yë na; na be sha jÿ maveka na bimamia kâ be tyi mëlië.

49 Ngwanami a mikâ yë na; Shaṇwamë, Shilikwa, miana ngwamë a jë' pë gwa.

50 Jisu a yë na; Veka bulia, yâ miana a kimë. Diö mutyi tÿ a mimëli dibongwë di Jisu a mibonhthÿ yë, diö yë mibulia;

51 Mia yë mishilikwa diö bakubi bëi ba mibomita nëi na dibonhtha yë na; Yâ mlana a kimë.

52 Diö yë mipi' bâ digwëla di yë mitatyili kika; diö bâ ba mikâ yë na; Nangothoma digwëla di matani na maba divëbi di mishithi.

53 Diö ngwashanwë a mive' na, diö digwëla dÿtimëtë di Jisu a mikâ yë na; Yâ miana a kimë; diö yë mimëli bâ na atâkâ jëi jëshë.

54 Yö alemba yibalië yi Jisu a mikâmi, mia yë miwu' pë Judia na dinzha pë Galili.

### THANGÂKÂ 5.

1 Pisha nya bilombi bi dibe' di Baju di mibë, diö Jisu a mibetyi kië pë Jiruselëm.

2 Diö pë Jiruselëm kuna na diassha di bindâmâki atâ' yi thÿ tÿ yi thebië pë nlubia wu Hibri na; Bithësida, yi thÿ na mimbanh mitani.

3 Pë mimbanh mi mi minika nshamba wunën wu botyi ba mitatyiki, banjimë, na biboka, na ba minka-shi, ba bë venhli nkubia wu madiba.

4 Nadiambilindi ngwanlomili a beta shula pë atâki, na dikubili madiba; diö ngwa mibonji shula pë madiba ma mikubika a mijomië nvimi gwëshë wu yë wu na gwö.

5 Diö mutyi a wu ti ngwa mibë na nvimi mabom ma mimbu malali na mimbu mitani na milali.

6 Jisu a mijë yë bla, diö a mive' na, a mibembi tata, diö yë mikâ yë na; Wë naka jomië?

7 Diö ngwa ntatyiki a mibulishi yë na; Shaṇwamë,

mě shi na mutyi ngwa a dishě mě pě atâki, mia madi-ba ma thi kuba; nji mě bě nzha, wěna nwâkâ a daka mě na dithebitha.

8 Jisu a mika yě na; Valikwě, tomba' anânh jâyě, wě ẽ kiě.

9 Diõ mutyi tĩ a mitě' kika, diõ yě mitombithi anânu jěi na dikiě. Diõ busha bítĩ bi wu busha bi Shânâ.

10 ¶ Diõ Bajú ba mikâ ngwa miyomiě na; Busha bi Shânâ bo; shi yiběnh na, wě ẽ bapi anânh. -

11 Diõ yě mibulishi bâ na; yě ngwa jomika mě, yě kâ wě na; Tomba' anânh jâyě, wě ẽ kiě.

12 Diõ bâ ba nipi' yě na; Mutyi tĩ yě nzha, ngwa kâ wě na; Tomba' anânh jâyě wě ẽ kiě?

13 Diõ yě ngwa mijomiě a tyi mive' yě; nadiambilindĩ Jisu a mithokwa pě womba va dibuthě di botyi di wuthě.

14 Pisha ti Jisu a mikâbi yě pě mbanh wumbi Anyambiě na dikâ yě na; Sha, wě kimě; sha bebiki pě nakě, alombi yiwa' yibe nulami yi jě pě nzha pě gwě thĩ.

15 Diõ mutyi tĩ a mikiě thatha Bajú na, ngwa miki-shi yě yě Jisu.

16 Nani kě Bajú ba mithepili Jisu na dikiěnhli yě jotha, nadiambilindi a beta kâmâ ma' ma busha bi Shânâ.

17 ¶ Nji Jisu a mibulishi bâ na; Shanwamě a thĩ kuba na dinzha shoka nyi, nani kě mě kuba.

18 Diõ Bajú ba mikiěnhli yě jotha nulami, nadiambilindi a sha woshi busha bi Shânâ dipa, nji' a kâmě nji' na; Anyambiě a thĩ yě Shanwě, na disheya na Anyambiě.

19 Diõ Jisu a mibulishi na dikâ bâ na; Mbombo mě kâ be na; Miana a sha woli' kâmâ alombi yěmětě, vě-ngě yi yě jě Shanh kâmâ; nadiambilindi bilombi bie-shě bi yě kâmâ biõ nji' Ngwamiana a kâmâ.

20 Nadiambilindi Ngwashanh a dinha Miana, na dilebiliě ye bilombi bieshě bi yěmětě kâmâ; diõ a a yě lebiliě bishali bi daka bi, na be ba a mamitha.

21 Nadiambilindĩ mbo Ngwashanjwě a jomitha biki-  
ěnh na dibali biš vě thakiki, mbonā nji Ngwamiana a  
vě bā thakiki ba yě naka.

22 Nadiambilindĩ Ngwashanjwě a sha jěli na mutyi,  
nji dijěli diěshě a vēmě diš Miana;

23 Na, botyi běshě ba jungi, Miana, mbo bā ba junh  
Ngwashanjwě. Yě ngwa sha jungi Miana, a sha jungi  
nji' Shanwě ngwa milomi yě.

24 Mbombo, mě kā be na; yě ngwa joka dibongwě  
diamě, na dibunli yě ngwa milomi mě, a thĩ na thaki'  
th' adukwā jěshě; diš a sha nzha pě makwa; nji a  
damě digwa na dinzha ku' pě thakiki.

25 Mbombo mě kā be na; digwěla di thĩ nzha, di  
nzhīmě njikě, di bikiěnh bi i joka dioi di Miana mbi  
Anyambiě; diš bā ba a joka ba a diya.

26 Nadiambilindĩ mbo Ngwashanjwě a thĩ na thaki'  
yēmětě, mbonā nji' yě mivě Miana na a bě na thaki'  
yēmětě.

27 Diš yě mivě yě nguldi nya dikāmā njělia njikě,  
nadiambilindĩ yě Miana ngwa mutyi.

28 Sha mamaka' alombi yi; nadiambilindĩ digwěla  
di thĩ nzha, di bā běshě ba thĩ pě mashānh ba a joka  
dioi diei;

29 Na didusha; bā ba mishi kāmā biběnh pě njomia  
wu thakiki; nji bā ba mishi kāmā bibe pě njomia wu  
makwa.

30 Mēmětě, mě sha woli kāmā na alombi; mbo mě  
joka nani mě jěliě; diš njělia gwamě wu thĩ wuběnh;  
nadiambilindĩ mě sha toka ndiŋwa gwamě mětě, nji  
ndiŋwa wu Shanh ngwa milomi mě.

31 Na mě veshimě pě mbš gwamě mětě, wěna nve-  
sha gwamě wu shi mbombo.

32 ¶ Nwākā a thĩyĩ ngwa veshě pě mbš gwamě; diš  
mě vemě na, nvesha wu yě veshě pě mbš gwamě, wu  
thĩ mbombo.

33 Be ba milomi pě Jŏn thĩ; diš yě miveshi pě mbo-  
mbo.

34 Nji mě sha nānh na nvesha wu mutyi; nji mě  
tyubimě bilombi bi, nalikāna na, be kiki.

35 A wu atylě mětě yi mitholibi na dipanya; diš be ba miměli dona na bithanh biei via 'dukwa.

36 ¶ Nji mě thŷ na nvesha wunen dakami na wumbi Jōn; nadiambilindŷ bishali bi Shaṇwě a mivě mě, na mě kāmiki biš, bishali bitŷ bi mě kāmā, biš bi veshě pě mbō gwamě na Shaṇwě a milōmi mě.

37 Diš Shaṇwě mětě ngwa milomi mě a miveshi pě mbō gwamě. Be sha joka dioi diei na pelŷ, do jě' ntyinh gwěi.

38 Diš be shi na dibongwě diěi pě punh' nyani; nadiambilindŷ ngwa yě milomi, be sha mēliě yě.

39 ¶ Be bēnhthě minlēja, nadiambilindŷ be jě' na be ba thŷ na thaki' th' adukwa jeshě tŷ, diš miō mi veshě pě mbō gwamě miō mi.

40 Diš be sha mēli nzha pě mě thŷ na; be bē' na thakiki.

41 Mě sha nānh junh pě botyi ba thŷ.

42 Nji mě veka begwě na, be shi na thadinh thambi Anyambiě pě punh nyani.

43 Mě nzhimě na dina di Shaṇwamě, be do mě nānh; nji na nwākā a nzhimě na dina dičimětě, kā be nānhmě yě.

44 Be woliki mēli na, be ba nānhlia junh be na be, be do toka junh yitŷ yi wu pě Anyambiě dipa thŷ.

45 Sha lanhliaka' na, mě š be lubiliě pě Shan thŷ; ngwa a be lubiliě yě Mosěsi, ngwa be ba bunliě.

46 Nadiambilindŷ na be ba a mēli Mosěsi, ka be mēli-mě nji mě; nadiambilindŷ a milēnji pě mbō gwamě.

47 Nji na be sha mēli minlēja miěi; be ba a mēliě mabongwě mamě na?

## THANGÂKÂ 6.

1 Pisha nya bilombi bi Jesu a miklě pě blatyi bini bi nsho wu Galili, wō nji nsho wu Taiberia;

2 Diš nshamba wuněn wu mithēpili yě, nadiambilindŷ ba mijě' bimamia biěi bi yě mikāmi botyi ba mitatyika.

3 Diš Jisu a mibetyi pě mbeka na didi tŷ shŷ, bā na bajithi bēl.



4 Dið dibê' di Baju di nulia di mikunibi.

5 ¶ Dið Jisu a mibenithi mishi mēi na dijē' nshamba wunen wu bē nzha pē yē thī,, dið yē mikā Filip na, Bena ba a shomba bidia vī dieshi botyi ba ?

6 (A mikā nani yē diveli yē; nadiambilindī yēmētē mive' mbo yē ē kāmā.)

7 Filip a mibulishi yē na; bidia bi kwa minkama mi bafura miba bi shi bā kokami, na mutyi jēshē a māngi vishivishali.

8 Nwoto ngwa bajethi bēi, Andru manyanh mbi Saimon Pitēr, a mikā yē na;

9 Ndēmbishali a thī va, ngwa thī na bibu' bi mpēmba bitani na via bashē bashali baba, nji bið ndī pē dibuthē di botyi di ?

10 Dið Jisu a mikā na, dishaka' botyi shī; dið womba vatī va wu na ntobi wulibuthē; dið botyi ba midī shī ba mibē ntangi wu mintāshen mitani.

11 Dið Jisu a minānh bibuki, dið mia yē mivē dibatā a mikabi bið bajethi bēi, dið bajethi *ba mikabi* ba wu shī di di; nani nji bashē *ba mibē* mbo bā ba minaka.

12 Mia bā ba mijuli, a mikā bajethi bei na; Shābiliaka' bipēshi bi likaka, do bē na alombi yi wosha.

13 Nani kē ba mishābilia na dilonishē diom di bitonji na bitonji biba bēni na bipēshi bi bibu' bi mpēmba bitani, bi ba mishi dia, ba miliki.

14 *Mia* botyi *ba* mije' alemba yi Jisu a mikāmi, ba mikā na, Mbombo ngwanshāki tī yē wā ngwa bē na a nzha pē pēnzhe nyi.

15 ¶ *Mia* Jisu a mive' na ba kumba yē nzha bietha na, ba jebishi yē bibotyi, a mibali thokwa na dikiē pē mbeka yē dipa.

16 Dið mia yō yi mibē yi mbie ngothoma, bajethi bēi ba mishilia pē nsho;

17 Dið bā ba mitābi pē alēnji, ba bē dali nsho kiē pē Kapernaum. Dið divityiki di mbiethi, dið Jisu a tyi mibē a nzhīmē pē bā ba thī.

18 Dið nsho wu minyanyi na diambi di mpunga wunen wu mipēpiliē.

19 Mbonā mia bā ba mibē ba dumē makiē malali do

manai ba mijë Jisu a bë thanda pë nsho na makothî, na dinzha kuna na alënji; diô bâ ba minyënh.

20 Diô yë mikâ bâ na; Mëni; sha nyëugani.

21 Diô bâ ba midoni yë nanh pë 'lënji; diô alënji yi mitë bë pë kinji' nya bâ ba mikiëkë.

22 ¶ Bia lënji, mia botyi ba wu tëbitëbi pë biatyi bini bi nsho ba mijë' na alënji yiwa' yi tyi mibë ti; thö ngë yo yi bajethi bëi ba mitabi, diô Jisu a tyi mitabi pë 'lënji nshamba wu bajethi bëi, nji bajethi bëi ba mikië bâ dipa,

23 (Nji bilenji biwâ' bi miwu pë Taibiria, na dinzha kuna na womba va bâ ba midie mpëmba pishë nya Jisu a mivë dibâtâ;)

24 Nani kë mia botyi ba mijë' na, Jisu a tiyi mibë ti, do bajethi bëi, diô bâ ba mitabi nji' pë bilënji na dinzha pë Kapernaum matoka mambi Jisu.

25 Diô mia bâ ba mijë' yë pë biatyi bini bi nsho, ba mikâ yë na; Shanwashî, wë nzhi' va nzha 'dukwa?

26 Jisu a mibulishi na dikâ bâ na; Mbombo më kâ be na, be toka më, ana nalikâna be jëmë bimamia, nji nadiambilindî be diemë bibu' bi mpëmba na dijula.

27 Kubika' ashali ana pë bidia bi bâthâ, nji pë bidia bi i bemba na dikië pë thaki' tha adukwa jëshë, bi Miana ngwa mutyi kë be vë; nadiambilindî Shan' Anyambië a keshimë diveka pë yë thî.

28 Diô bâ ba mikâ yë na; Beshë ba kâmiki ndî, na beshë kubiki bishali bimbi Anyambië.

29 Jisu a mibulishi na dikâ bâ na; Ashali yimbi Anyambië yô yi na, bunliaka' yë ngwa yë milomi.

30 Diô bâ ba mikâ yë na; Alombi yimamia tînzha yi wë kâmâ na beshë ba jë' yô na dibunli gwë? Wë kuba ndî?

31 Bashanh bashî ba beta dia manna pë thakombi; mbo yô yi thî lënjam na; A mivë bâ mpëmba wu dieblë na diwutha pë thobë.

32 Jisu a mikâ bâ na; Mbombo më kâ be na; Mosësi a tyi mivë be mpëmba wutî wu miwu' pë thobë; nji Shanwamë yë vë be mpëmba wumbombo wu wu pë thobë.

33 Nadikána mpěmba wumbi Anyambié wö yě ngwa pānjikamě na diwutha pě thobě, na divě pēnzhe nyi thakiki.

34 Ba mikā yě na; Shanwashī, vē beshě mpěmba wutī mbainhmbainh.

35 Jisu a mikā bā na; Mě mpěmba wu thakiki; ngwa nzha pě mě thī a tyi gwa pě na' nzhatha; ngwa bunli mě a tyi gwa pě na' aveshithě.

36 Nji mě kā be na; be jěmě mě njikě, diō be sha bunli mě.

37 Bā bēshě ba Shanwa' vē mě ba a nzha pě mě thī; na yě ngwa nzha pě mě thī, mě tyi majonhli yě.

38 Nadiambilindī mě mipānji na diwutha pě thobě, ana na dinzha kāmā ndiŋwa gwamě, nji ndiŋwa gwēl wu ngwa milomi mě.

39 Diō ndiŋwa wu Shanwě ngwa milomi mě, wö wu na, bā bēshě ba yě mivě mě mě sha kuta bā do nwoto, nji mě ē bā jomitha ashū yi madimilia.

40 Diō ndiŋwa gwēl wu ngwa milomi mě wö wu na, mutyi jěshě ngwa a jě' Miana nadibunli yě, a a bē na thaki' tha adukwa jěshě, diō mě ē yě jomitha ashū yi madimilia.

41 Diō Bajū ba minyamilia pě diambi diei, nadiambilindī a mikā na; Mě mpěmba wu mipānji na diwu' pě thobě.

42 Diō bā ba mikā na; Ana Jisu ngwa miana mbo Josēfi wā, ngwa shanh na nyanh ba beshě ba veka? Nji ndī yě kā na; Mě shulimě na diwu' pě thobě?

43 Diō Jisu a mibulishi na dikā bā na; koka' pě nyamila be na bewě;

44 Shi na mutyi ngwa woliki nzha pě mě thī, vēngě na Shanwě ngwa milomi mě a dambitha yě, diō mě ē yě jomitha ashū yi madimilia.

45 Yi thī lēnjam na bashāki na; Diō bā bēshě ba a bē ba jeka' na Anyambiē. Nani kě mutyi jěshě ngwa a joka na dijetha na Shanwě, a a nzha pě mě thī.

46 Shi na mutyi ngwa jěkamě Ngwashanwě; vēnh yě ngwa wu pě Anyambiē thī, yě jekamě Shangwě.

47 Mbombo më kâ be na; Yě ngwa a më bunli, a a bë na thaki' tha adukwa jeshě.

48 Mě mpěmba wuti wu thakiki.

49 Bashanh bani ba midie manna pě thakombi, diô bâ ba migwî;

50 Mpěmba wu pânjikâ na diwu' pě thobě wô wu, na mutyi a diě' gwô yě do gwawě.

51 Mě mpěmba wu thakiki wu mipânji na diwu' pě thobě; na mutyi a diamě mpěmba wu wěna a dimě mashu meshě. Diô mpěmba wu më ě vě, wô nshoni gwamě, wu më ě ě vě thaki' tha pēnzhe nyi.

52 Diô Baju ba mishunlia bâ na bâ na; Wâ a woliki beshě vě nshoni gwěi, na beshě ba dia gwô na?

53 Diô Jisu a mikâ bâ na; Mbombo më kâ be na, na be sha dia nshoni wu Miana ngwa mutyi na dinâtâ dikitha diěi, wěna be shi na thakiki pě bemětě ba thî.

54 Ngwa a dia nshoni ngwamě na dinâtâ dikitha diamě a a bë na thaki' tha adukwa jeshě; diô më ě yě jomitha ashu yi madimilia.

55 Nadiambilindi nshoni gwamě gwô bidia mětě, na dikitha diamě diô anâtylnâtyi mětě.

56 Yě ngwa dia nshoni gwamě na dinâtâ dikitha diamě a di na më, më kě nji më dika nēi pě pungwě.

57 Mbo Shanh' ngwa diga, a milomi më, diô më di na Shanwě; mbonâ nji' ngwa dia më yēmětě a a nji di na më.

58 Mpěmba wu mipânji na diwu' pě thobě wô wu; ana mbo bashanh bani ba midie manna bâ digiwadi. Yě ngwa a dia mpěmba wu a a di mashu mēshě.

59 A mibonhthi bilombi bi pě sunagogi, a bë jeli pě Kapernaum.

60 Dibuthě di bajethi bëi mia bâ ba mijoki, ba mikâ na; Abanh yideli yi; nzha woliki yô joliě?

61 Mia Jisu a mive' na nlema gwěi na, bajethi bëi ba minyamila yô, a mikâ bâ na; Yi yi nyanyishě begwě?

62 Diô na be jēmě Miana ngwa mutyi a bë beta pě va yě mibonji bë—

63 Nshinhshinh wô wu vě thakiki, nshoni wu shi

na mbambi; mabongwë ma më bonhtha begwë, mö nshinhshinh, mö nji thakiki.

64 Nji bawä' ba thiyi pë be ba thï ba sha melikwë; nadiambilindi Jisu a miveki nadiwu' pë ditatyiki bā ba sha mëlikwë na yë ngwa a yë bieshë.

65 Diö yë mikā na; Nanikë më kāmë be na; shi na mutyi ngwa woliki nzha pë më thï, na yi sha vëbi yë na Shanwamë.

66 Nadiwu' dikanh diti dibutha di bajethi bëi ba mibulia, pishë bā do pë na nëi thënhtha.

67 Diö Jisu a mikā diom na baba na; Be nji' be ka thokwa?

68 Diö Saimon Pitër a mibulishi yë na; Shanwamë, beshë ba ë kië pë nzha thï? Wë thï na mabongwë ma thaki' tha adukwa jëshë.

69 Diö beshë ba mëlimë na diveka na, wë Krai mëtë, Ngwamiana mbi Anyambië ngwa diya.

70 Jisu a mibulishi bā na; Më sha tabā begwë diom na baba? diö nwoto pë be ba thï yë diabolo?

71 A milubili pë diambi dimbi Judas Aiskariotï, miana mbi Saimön; nadiambilindi yë yë ngwa a yë bieshë, a wu nji nwoto pë diom na baba.

### THANGÂKÂ 7.

1 Pisha nya bilombi bi Jisu a midi pë Galili; nadiambilindi a tyi mikā' di pë Judia na dibomba di Baju ba mikaka yë jotha.

2 Diö dibeki di mimbashë di Baju di kunibimë.

3 Diö bamanyanh bëi ba mikā yë na; Thokwa va wë ë kië pë Judia, na bajethi bā' ba jë' bishali bi wë kāmā.

4 Nadiambilindi shi na mutyi ngwa kāmā alombi dishâthâ, mia ti yëmëtë a naka bë pë bithânh. Na wë kāmā bilombi bi lebili botyi nyuli nyâyë.

5 Nadiambilindi bamanyanh bëi nji ba tyi mimëli yë.

6 Diö Jisu a mikā bā na; Adu' jamë yi sha bë; nji adu' jani yi thi kokamë mbainhmbainh.

7 Botyi ba sha woli be bena; nji ba bena më, na dibomba di më kobishë bā na, bishali biabi bi thï bibe.

8 Betyika' bewë pë dibe' di; më sha beta va pë dibë' di, nadiambilindi adu' jamë yi sha bë kokami

9 Mia yë mikâ bâ mabongwë ma, diô yë midi na' pë Galili.

10 ¶ Nji mia bamanyanh bëi ba mibë ba shimë beta, diô a mibeti nji pë dibeki, ntyinh mbo dishâthâ ana pë bithanh.

11 Diô Baju ba mito' yë pë dibeki, diô bâ ba mikâ na, A thî vi?

12 Diô minyamila miwu minën pë dibuthë di botyi pë mbô gwëi. Bawâ ba mikâ na; A thî mutyi mbënh; bawâ nji na; Bia, a dimbishë botyi.

13 Nji tyi mibë na mutyi ngwa milubili pë mbô gwëi kwashi, na nyënh wu Baju.

14 ¶ Nji pë adu' yi tema nya dibeki Jisu a mibetyi pë mbanh wumbi Anyambië na dijëlië.

15 Diô Baju ba mimamithi na; Wâ a veka bishanga-ngobi na, yë do jetha?

16 Jisu a mibulishi na dikâ bâ na; Njelia gwamë wu shi ngwamë nji wu ngwa milomi më.

17 Na mutyi a mëlimë kâmâ ndingwa gwëi, wëna a vemë njelia, do na wu thî wumbi Anyambië do më lubila mëmëtë.

18 Yë ngwa lubila yëmëtë a toka nënia gwëi mëtë; nji yë ngwa toka nënia gwëi wu ngwa milomi yë, a thî mbombo, diô bibe bi shi nëi.

19 Mosësi a tyi mivë begwë minthali? diô shi na mutyi pë be ba thî ngwa tali minthali; ndi be vanh më jotha?

20 Botyi ba mibulishi na dika na; Wë thî na dimon; nzha vanh wë jotha?

21 Jisu a mibulishi na dikâ bâ na; Më mikâmi ashali yiwoto diô be beshë ba mamitha yô.

22 Nanikë Mosësi a mivë be neshëbia, (ana nadikâna wu wu wumbi Mosësi, nji wu bashanwë) diô be shëbë mutyi busha bi shânâ.

23 Na mutyi a shëbimë busha bi shânâ na, nthali wumbi Mosësi wu sha woshaka; be nyanya na më nadiambilindi më mikishi mutyi na ntyuthë busha bi shânâ?

24 Sha jëliaka' pë mbö wu njënia, nji jeliaka' njëlia wubënh.

25 Diö ba Jerusaleëm bawâ' ba mikâ na, Ana yë wâ ngwa bâ ba naka jotha?

26 Diö sha, a thî lubila tema nshënh diö ba sha kâ yë n'alombi. Batoli ba veka mbo' na, wâ Kraiss mëtë?

27 Nji wâ beshë veka va yë wuka; nji mia Kraiss kë ë nzha, shi na mutyi ngwa a veka va yë ë wutha.

28 Diö Jisu a miluba' thobë pë mbanh wumbi Anyambië, a bë jëlië, na dikâ na; Be vemë më, be veka nji va më wukamë; diö më sha nzha mëmëtë, nji ngwa lomika më a thî mbombo, ngwa be sha veka.

29 Nji më veka yë; nadiambilindî më wu pë yë thî, diö yë lomika më.

30 Diö bâ ba mina' yë bietha; nji tyi mibë na mutyi ngwa minani mbö pë yë thî, nadiambilindî digwëla diëi di tyi mibë di nzhimë.

31 Diö dibutha di botyi di mibunli yë, na dikâ na; Mia Kraiss kë ë nzha a a kâmâ bimamia nulami na bi, bi wâ mikâmi?

32 ¶ Bafaraisi ba mijo' mbo botyi ba minyamila ma-bongwë ma pë diambi diëi; diö Bafaraisi na bami-nisë banën ba milomi balomi na ba bie' yë.

33 Diö Jisu a mikâ bâ na; bia adukwa yikwë më thî na nani, wëna më kiëmë pë yë ngwa milomi më thî.

34 Be ba a më toka, diö be tyi jënë; na va më thîyî, tî be sha woli nzha.

35 Diö Baju ba mikâ bâ na bâ na; A a kië vî, va beshë tyi jë yë? A a kië pë bâ ba shikamë vanjika pë Mavala, na dijëlië Mavala?

36 Dibongwë di di thî na, di yë kâ na; Be ba a më toka, diö be tyi jënë; diö va më thîyî, tî be sha woli nzha?

37 Pë ashu yi madimilia, yö ashu yinën yi dibeki, Jisu a mitëbi shini na dilubila thoba na; Na mutyi a gwimë avëshithë a nzhi' natâ pë më thî.

38 Yë ngwa a më bunli; mbo Nlënja wu mikâthi; Pë punh' nya mâi gwëi wu u woba minlâbi mi madiba ma thakiki.

39 Nji a milubili dibongwě di pě diambi di Nshinhshinh *wumhi Anyambiě* wu ba bunli yě ba a nánh; nadiambilindí Nshinhshinh wu akitha wu tyi mibě wu vėbimě; nadiambilindí Jisu a tiyi mibě a betyimě pě thobě.

40 ¶ Mbonâ mia botyi balibuthě ba mijoki mabongwě ma, ba mikâ na, Wâ nshâ' mbombo.

41 Bawâ' na; Wâ Krai. Nji bawâ' ba mika na; Krai a a wu pě Galili?

42 Nlěnja wu sha kâ na; Krai a a biali pě bana bambi Devid, na pě akoldi yi Bětleēm yi Devid a midiyaniě?

43 Nanikě ba mibomilia mapendi pě diambi diěi.

44 Diő bawâ' ba mikaka yě bietha; nji tyi mibě na mutyi ngwa minani mabő pě yě thĩ.

45 ¶ Diő balomi ba mibuli pě baminisě baněn na Bafaraisi ba thĩ; diő ba mikâ bâ na; Ndĩ be sha nzha něi?

46 Balomi ba mibulishi na; sha bě na mutyi na peli ngwa lubakamě mbo wâ.

47 Diő Bafaraisi ba mibulishi bâ na; Be dimbimě njikě?

48 Batoli, do Bafaraisi ba mělimě yě do mutyi do nwoto?

49 Nji botyi ba ba sha veka minthali ba thĩ shěmiamě.

50 Nikodimo a mikâ bâ na; yě ngwa minzhĩ pě Jisu thĩ na mpuma yě nwoto pě bâ ba thĩ.

51 Nthali gwashi wu jěli mutyi mia tĩ wu sha bonji joka gwana gwěi na diveka mbo yě kâmâ?

52 Ba mibulishi na dikâ yě na; Wě nji ngwa Galili? Shanga, wě ẽ jěně, nadiambilindí nshâ' a tyi těbě na diwu pě Galili.

53 Diő mutyi jěshě a mibulikwa pě mbanh gwěi.

## THANGÂKÂ 8.

1 Diő Jisu a mikiě pě mbeka wu Baoliv.

2 Diő bia lěnji divityiki shĩ a mibali nzha pě mbanh wumbi Anyambiě, diő botyi běshě ba mishăbilla pě yě thĩ; diő yě midi shĩ na dijeli bâ.



3 Dið Balēnji na Bafaraisi ba minzhī pē yē thī na mimiali ngwa mibiethibi na minthomi, dið mia bā ba mitēli yē pē tema nyabi,

4 Ba mikā yē na; Njeli, mimiali wā a biethibimē na minthomi.

5 Dið Mosēsi a mityinjili beshē pē minthali na; botyi ba ntyinh wi ba wushiki makāki; nji wē ja na?

6 Dið ba mikā nani, na ba jēlikwa yē na dibē na alo-mbi yi bā ba lubili yē. Nji Jisu a midālibi na dīlēnde pē bishāpā, na vina viēi.

7 Dið mia bā ba mibatyi yē na mpikwa, dið a mibenia, na dikā bā na, Ye ngwa shi na bibe mbo bi, a bonjiki yē wusha dikāki.

8 Dið yē mibali dālibā na dīlēndē pē bishāpā.

9 Dið bā ba mijoki, ba mikobi na minlema miabi, dið ba midushi nwoto, nwoto, tatyiliē pē batoli na dikiē pē bandēmbi; dið Jisu a milili yē dipa, bā na ngwamimiali pē tema.

10 Mia Jisu a mibenia a tyi mijē' pē na mutyi ngē ngwamimiali; dið yē mikā yē na; Mimiali wā, bakobishi bā ba thī vī? sha bē na mutyi ngwa kobishi gwē?

11 Dið yē mikā na; Sha bē na mutyi, Shanwamē. Jisu a mikā yē na; Do mē mē sha kobishi gwē; kiēkē, sha bali' pē na' kāmā bibe.

12 ¶ Dið Jisu a mibali lubila nabi na; Mē bithānh bi pēnzhe nyi; yē ngwa thēpiliē mē a tyi thēnhtha pē divityiki, nji a a bē na bithānh bi thakiki.

13 Nanikē Bafaraisi ba mikā yē na, Wē veshi pē mbō gwāyē; nvesha gwā wu shi mbombo.

14 Dið Jisu a mibulishi na dikā bā na; Mē gwa na veshi pē mbō gwamē, nvesha gwamē wu thī mbombo; nadiambilindī mē veka va mē miwuthē, na va mē kiē; nji be sha veka va mē wuka, do va mē thī kiē.

15 Be jēliē mbo milema miani mi thīyī; mē sha jēliē na mutyi.

16 Dið na mē jēlimē, njēlia gwamē wu thī mbombo; nadiambilindī mē shi mē dipa, nji beshē na Shanh ngwa milomi mē.

17 Yi thiŋŋi lɛŋjamɛ pɛ minthali miani mɛtɛ na; nvesha wu botyi baba wu thiŋŋe mbombo.

18 Mɛ nwoto ngwa veshɛ pɛ diambi diamɛ, diɔ Shanŋ ngwa milomi mɛ yɛ ŋi veshɛ pɛ mbɔ gwamɛ.

19 Diɔ ba miká yɛ na; Shanŋ a thiŋŋi? Jisu a mibu-lishi bá na; Be sha veka mɛ do Shanŋwamɛ; na be ba veka mɛ, ka be veka ŋi' Shanŋwamɛ.

20 Jisu a milubili mabongwe ma pɛ alongwɛ yi mabám mia yɛ mijeli pɛ mbanŋ wumbi Anyambiɛ. Diɔ tyi mibɛ na mutyi ngwa mibie' yɛ nadiambilindí digwɛla diɛi di tyi mibɛ di nzhimɛ.

21 Adukwa yiwáká Jisu a miká bá na; Mɛ kiɛ-mɛ, diɔ be ba a me toka, diɔ be ba gwa na bibe biani; va mɛ thiŋŋi kiɛ be sha woli nzha tí.

22 Diɔ Baju ba miká na; A a joli nyuli nyɛi mɛtɛ? Nadiambilindí a kána; Va mɛ thiŋŋi kiɛ be sha woli nzha.

23 Diɔ yɛ miká bá na; Be wumɛ pɛ shí ŋi mɛ wumɛ pɛ thobɛ; be ba thiŋŋi ba pɛnzhe nyi, mɛ shi ngwa pɛnzhe nyi.

24 Nanikɛ mɛ ká be na; be ba a gwa na bibe biani; nadiambilindí na be sha mɛli na, mɛ thiŋŋi, wɛna be gwimɛ na bibe biani.

25 Diɔ bá ba miká yɛ na; Wɛ nzha? Diɔ Jisu a miká bá na; Mɛ thiŋŋi ngɛ mbo mɛ thiŋŋi be thatha na diwu pɛ ditatyiŋi.

26 Mɛ thiŋŋi na ma' malibuthɛ ma mɛ thaki pɛ mbɔ gwani na dijeliɛ; ŋi yɛ ngwa milomi mɛ a thiŋŋi mbo-mbo; diɔ ma' ma mɛ shikamɛ joka nɛi, mɛ bonhtha mɔ botyi ba pɛnzhe nyi.

27 Ba tyi mive' na, a thiŋŋi nabi lubila pɛ mbɔ wu Shanŋwɛ.

28 Diɔ Jisu a miká bá na; Na be petyimɛ Miana ngwa mutyi wɛna be vemɛ na, mɛ thiŋŋi, diɔ mɛ sha kámiká n' alombi mɛmɛtɛ, ŋi mbo Shanŋwa' a mijeli mɛ, nanikɛ mɛ lubila ma' ma.

29 Diɔ yɛ ngwa milomi mɛ a thiŋŋi ŋi na mɛ; Shanŋ' a sha lika mɛ dipa, nadiambilindí mɛ kámá bilombi bí yɛ dinha mbainhmbainh.

30 A bɛ lubila mabongwɛ ma, balibuthɛ ba mibwáli yɛ.

31 Dið Jisu a mikâ Baju batî bamibunli yě na; Na be jēmiliamě na njělia gwamě, wěna be bēmě bajethi bamě mbo:

32 Dið be ba a veka ma'mambombo, dið ma'mambombo ma a be dishě bana ba njĩ.

33 ¶ Ba mibulishi yě na; Beshě bana bambi Abraam, dið beshě tyi mibě mishaka mi mutyi na peli; nji ndĩ wě kâ na; Be ba a bě bana ba njĩ.

34 Jisu a mibulishi bâ na; Mbombo mě kâ be na, mutyi jěshě ngwa kâmâ bibe, yě nshaka wu bibe.

35 Dið nshaka wu sha dika pě mbanh adukwa jěshě; miana a di adukwa jěshě.

36 Nanikě na miana a dishimě be bana ba njĩ, wěna be bēmě bana ba njĩ mětě.

37 Mě veka na be bana bambi Abraam; nji be naka mě jotha, nadiambilindĩ njělia gwamě wu sha bě na nyinwa pě ba ba thĩ.

38 Mě luibila ma ma mě jěkamě na Shaṇwamě; dið be njikě be kâmâ ma ma be jěkamě na Shaṇwani.

39 Ba mibulishi na dikâ yě na; Shaṇwashi yě Abraam; Jisu a mikâ bâ na; Na be ba bēmě bana bambi Abraam, wěna be kânimě bishali bimbi Abraam.

40 Nji va be naka mě jotha, mutyi ngwa shikamě be thatha mambi ma mbombo ma mě mijoki na Anyambiě; Abraam a tyi mikâmi mbonâwu.

41 Be kâmâ bishali bi Shaṇwani. Dið bâ ba mikâ yě na; Beshě tyi mibialiě na mathalia; Beshě ba thĩ na Shanh nwoto, yě Anyambiě.

42 Dið Jisu a mikâ bâ na; na Anyambiě a bēmě Shaṇwani, wěna be dinhmě mě; nadiambilindĩ mě midushi pě Anyambiě thĩ na dinzha woni; dið mě tyi minzhĩ mēmětě, nji yě milomi mě.

43 Ndĩ be sha veka nthaka gwamě? nadiambilindĩ be sha woli' joli njelia gwamě.

44 Be ba thĩ ba Shaṇwani diabolo, dið mimbonzhi mi Shaṇwani be meli' mið kâmâ. A wu njothingwa-botyi nadiwu' pě dítatyiki, yě do di pě ma mambombo; nadiambilindĩ ma' mambombo ma shi něi. Mia yě lu-

bila bika pê, a lubila mbiei mêtê; nadiambilindî a thî ndioba, yê nji shanh' ngwa bikapê.

45 Nji nadiambilindî mê lubila ngê mbombo, be sha mêli mê.

46 Nzha pê be ba thî ngwa kobishakamê mê na bibe? diô na mê lubimê mbombo ndî be sha mêli mê?

47 Yê ngwa thî mutyi mbi Anyambiê, a joka mabongwê mambi Anyambiê; nani kê be sha joka nadiambilindî be shi bambi Anyambiê.

48 Baju ba mibulishi na dikâ yê na; Beshê sha jombia kâ na, wê Ngwasemeria wê thî nji na dimoni?

49 Jisu a mibulishi na; Mê shi na dimoni, nji' mê junh Shanjwamê, diô be sha jungi mê.

50 Mê sha toka thakumi thamê; a thîyî ngwa toka na dijêliê.

51 Mbombo mê kâ be na; na mutyi a talimê dibongwê diamê wêna a tyi jê' digwa nadikiê adukwa jêshê.

52 Diô Baju ba mikâ yê na; Beshê vemê dê na, wê thî na dimoni. Abraam a gwimê bâ na bashâki; nji wê kâ na; Na mutyi a talimê dibongwê diamê a tyi kieka digwa na dikiê adukwa jêshê.

53 Wê daka shanjwashi Abraam, ngwa thî bo? Diô bashâki ba thî bo. Wê vityitha nyuli nyâ mêtê na?

54 Jisu a mibulishi na; Na mê nênishimê nyuli nyamê mêtê wêna nênia gwamê wu shi n' alombi; Shanjwamê yê nênishê mê, ngwa be kâ na, yê Anyambiê ngwashi.

55 Diô be sha veka yê: nji mê veka yê; diô na mê kâmê na, mê sha veka yê, wêna mê bêmê ndioba mbo begwê; nji mê vemê yê mê taliê nji mabongwê mêi.

56 Abraam ngwashanjwani a midoni jê' ashu jamê; diô yê mijê yô, yê didona nji di.

57 Diô Baju ba mikâ yê na, Wê na dibialiê wê sha shiliê mabom ma mimbu matani, diô wê mijê. Abraam?

58 Jisu a mikâ bâ na; Mbombo mê kâ be na; mia tî Abraam a sha bê, mê diya.

59 Diô bâ ba milâli makâki na; ba wusha yê mâ;

nji Jisu a mishâthibi, diô yê midushi pê mbanh wu-mbi Anyambiê, na dinula pê tema nyabi; nanikê yê mikiêkê.

### THANGÂKÂ 9.

1 Diô mia Jisu a minuka a mijê mutyi ngwa mibiali njimê.

2 Diô bajethi bêl ba mipi' yê na; Shanwashi, wâ, na shanwê na nyanwê nzha mikâmi bibe, mia yê bialiki njimê?

3 Jisu a mibulishi na; Ana wâ do shanwê na nyanwê ba mikâmi bibe; nji na bishali bimbi Anyambiê bi jênikwa nêi.

4 Mê kubiki bishali biêl bi ngwa milomi mê mia busha bi thî na ndanh, mpuma wu thî nzha, wu u bê do bê na mutyi ngwa woli kuba ashali.

5 Mia mê thî na pê pênzhe nyi, mê bithanh bi pê-nzhe nyi.

6 A mibonhthi mabongwê ma, diô yê mivambi mathânzhî pê shî na dipula bishâpâ bitêki na mathânzhî, diô yê mijâli bishâpâ bitî pê mishi ma ngwanjimê, na dikâ yê na:

7 Kiê joba' pê atâ' yi Siloam, (di thî na nzyilia na bilomika:) diô yê mikiê na dijobitha, diô yê mibulia a a nzha jênê.

8 Bâ ba wu wâ, na bâ ba mijê yê a bê njimê, ba mikâ na, Ngwa beta di shî na dibêmba ana yê wâ?

9 Bawâ ba mikâ na; Yênê; bawâ nji' na; A thî mbo yê; yêmêtê mikâ na: Mê yêni.

10 Diô bâ ba mikâ yê na; Mishi mâ ma bangwa na?

11 Diô yê mibulishi na dikâ na; Mutyi ngwa thebi na Jisu a mipuli bishâpâ bitêki, na dijâli mê biô pê mishi, diô yê mikâ mê na; kiê joba' pê atâ' yi Siloam, diô mê mikiê jobitha, diô mê jêkamê njikê.

12 Diô bâ ba mikâ yê na; A thî ví? Diô yê mikâ na; mê sha veka.

13 Ba mindeshi yê ngwa wu njimê pê Bafaraisi ba thî.

14 Diô ashu yitî yi wu busha bi, Shânâ mia Jisu a mipuli bishâpâ bitêkê na dibanhtâ yê mishi mêi.

15 Diô Bafaraisi ba mipi' nji yê na; mishi mâ ma

mibangwa na? A mikā bā na; A mikeshi bishāpā bitēkē pē mishi mamē, diō mē mijobithi, diō mē jēkamē njikē.

16 Nanikē Bafaraisi bawā' ba mikā na; Mutyi wā a sha wu pē Anyambiē thī, nadiambilindī a sha talli busha bi shānā; bawā' ba mikā na; Mutyi mbe a woliki kāmā bimamia mbo bi na? Diō ba mibomilia mapende pē diambi diēi.

17 Diō bā ba mibali kā ngwanjimē na; Wē ja na pē mbō gwei, pē diambi di yē lālishi wē mishi? A mikā na; A thī nshāki.

18 Nji Baju ba tyi mimēli pē diambi diēi na, a wu njimē, diō mishi mēi ma milālīē vēngē na ba thebimē shanh' bā na nyanwē ngwa mishi mēi ma milālīē.

19 Diō bā ba mipi' bā na; Miana ngwani wā ngwa be ka na a mibiali njimē? Diō a jēmē dē nandī?

20 Diō shanh' na nyanwē ba mikā bā na; Beshē ba veka na, miana ngwashi wā, beshē ba veka nji na, a mibiali njimē.

21 Nji mbo yē jēkamē va, beshē sha veka; na ngwa lālishakamē yē mishi beshē sha veka; a mbiē mutyi mbathē; pika' yē, yēmētē kē lubila.

22 Shanh na nyanwē ba milubili mabongwē ma, nadiambilindī ba minyēnh Baju; nalikana Baju ba mibē ba latyimē ashoka na; na mutyi a mēmimē na yē Krai; wēna a thokwamē pē sunagogi.

23 Nanikē shanh na nyanwē ba mikā na; A thī mutyi mbathē, pika' yē.

24 Diō bā ba mibali theba mutyi ngwa wu njimē na dikā yē na; Paka' Anyambiē; beshē vemē na mutyi wā a thī mbe.

25 A mibulishi na dikā na; Na a thī mbē, mē sha veka; mē vemē alombi yiwoto, na, mē wu njimē, nji mē jēmē dē kiava.

26 Diō bā ba mibali yē kā na; A misha wē ndī? A milālishi wē mishi māyē na?

27 A mibulishi bā na; Mē shimē be thatha, diō be sha jolikwē; ndi be naka bali yō joka? Be naka bē bajethi bēi njikē?

28 Dið bá ba milēnh yē na dikā na; Wē njethi ngwēi, nji beshē bajethi bambi Mosēsi.

29 Beshē ba veka na, Anyambiē a miluba na Mosēsi; nji alombi mutyi yi beshē sha veka va yē wuka.

30 Dið ngwanjimē a mibulishi na dikā bá na; Sha, atē alombi yimamia yi na; be sha veka va yē wuka; nji a lālishimē mē mishi.

31 Dið beshē veka na; Anyambiē a sha joli babe; nji na mutyi a bēmē njunh ngwambi Anyambiē na dikāmā ndingwa gwēi, yē ngwa yē joliē.

32 Pēnzhe nyi na ditatyiliē, yi sha jokwa na, mutyi a lālishimē mishi ma mutyi ngwa mibiali njimē.

33 Na mutyi wā a a bē do wu pē Anyambiē thī a sha kāmā n' alombi.

34 Dið bá ba mibulishi na dikā yē na; Wē mibiali na bibe nantyuthē dið wē jeli beshē? Dið ba midushi yē. pē nshēnh.

35 Dið Jisu a mijo na, ba midushi yē pē nshēnh, nji mia a mijē yē a mikā yē na; Wē bunli Miana mbi Anyambiē?

36 A mibulishi na dikā na; Yē nzha, na mē bunli yē, Shaṇwamē?

37 Dið Jisu a mikā yē na; Wē jēmē yē, yē nji yē ngwa thī nāyē lubila.

38 Dið yē mikā na; Shaṇwamē mē bunlimē; dið yē mingonjibi pē yē thī na dijunh yē.

39 Dið Jisu a mikā na; Mē nzhimē pē pēnzhe nyi pē diambi di njēlia na, bá ba sha jēkē, ba jēkē, na bá ba jenē, ba bē banjimē.

40 Dið bá ba Bafaraisi ba wu nēi ba mijo' mabongwē ma, dið bá ba mikā yē na; Beshē thī nji banjimē?

41 Jisu a mikā bá na; Na be ba a bē banjimē ka be shi na bibe; nji be ká va na; Beshē ba jēmē; nanikē bibe biani bi dikamē.

#### THANGĀKĀ 10.

1 Mbombo mē ká be na; Yē ngwa Sha nyiṇa' pē dia-sha di mbanh wu bindāmāki, nji yē dibeta mbō wākā, yē njibi na njanzhi.

2 Nji ngwa nyinhtha pë diasha yë ntali ngwa bindâ-mâki.

3 Ngwa vënhli diasha a dibitha yë diasha; diô bindâ-mâ' bi joka dioi diei; a theba nji bindâmâ bieï na mina mabi, na didushi biô pë nshënh.

4 Diô na a dushimë bindâmâ' bieï, a kië pë boshë bia-bi; diô bindâmâ' bi thëpilië yë, nadiambilindî bi veka dioi diei.

5 Nji bi tyi thëpili mutyi nwâkâ, nji bi i yë nyënh na nvilë; nadiambilindî bi sha veka moi ma botyi bawâkâ.

6 Jisu a mikanithi bâ ngana nyi; nji ba tyi mive' ma' matî ma yë milubili bâ.

7 Diô Jisu a mibali kâ bâ na; Mbombo më kâ be na, më diasha di bindâmâki.

8 Bâ beshë ba mibonji nzha na më, bâ bajibi na baja-nzhi; nji bindâmâ' bi tyi mijoli bâ.

9 Më diasha; na mutyi a nyinimë pë më thî wëna a kimë; diô yë kë nyinhthi na didusha, diô yë ë jë bidia.

10 Ngwanjibi a sha nzha alombi yiwâkâ ngë dijiba na dijotha, na dishilië; më nzhi na ba bë na thakiki, na ba buliki nji na thô bë.

11 Më ntali ngwa bindâmâ ngwambënh; ntali ngwa bindâmâ ngwambënh a ni' thaki' thëï pë diambi di bindâmâki.

12 Nji ngwankubi, yë do bë ntali ngwa bindâmâki, ngwa shi nji' mëtë mbi bindâmâki, a jë nzhë a bë nzha, diô yë lika bindâmâki na dinyënh; diô nzhë bie' biô na dïvanjaka bindâmâki.

13 Nkubi a nyënh, nadiambilindî a thî nkubi a shi nji na mbambi na bindâmâki.

14 Më ntali ngwa bindâmâki ngwambënh; më veka nji bindâmâ' biamë, diô më vekwamë na mbiamë.

15 Mbo Shanwë a veka më, nanikë nji më veka Shanwë; diô më ni' thaki' thamë pë diambi di bindâmâki.

16 Diô më thî na bindâmâ' biwâ' bi shi bi ndainh wu; më ndeshiki nji' biô bi i joka dioi diamë; diô wu u bë ndianh wuoto na ngwantali nji' nwoto.

17 Pë diambi di diô Shanwamë a dinha më, nadia-



mbilindī mē ni' thaki' thamē, diō mē ē bali nji' thō nānh.

18 Shi na mutyi ngwa a mē thō nānh ; nji mē ni' thō mēmētē ; Mē thī na nguldi nya dini' thō, diō mē thī na nguldi nya dibali thō nānh. Dibongwē di mē nānh mē diō pē Shanwamē thī.

19 Diō Baju ba mibali boma mapendē pē diambi di ma' ma.

20 Diō bawā' balibuthē ba mikā na ; A thī na dimoni, a kwīmē nji' miēnh yē ; ndī be joli' yē ?

21 Bawā' ba mikā na ; Mabongwē ma ma shi mabongwē ma mutyi ngwa thī na dimoni. Dimoni di woliki lālishē mishi ma ba njimē ?

22 Diō dibe' di mbetya wu mbanh wumbi Anyambiē di wu pē Jiruselem, yi wu nji' adukwa yi divēbē.

23 Diō Jisu a mikāmbikā pē mbanh wumbi Anyambiē pē nshinhtha wumbi Solomōn.

24 Diō Baju ba minzhī pē yē thī bāāta, na dikā yē na ; Abembi yitinzha yi wē na dibomishē beshē mapendē ? Na wē Krai mētē, kwasha' beshē mbo.

25 Diō Jisu a mibulishi bā na ; Mē shimē be bonhtha, diō be sha mēlikwē ; bishali bi mē kāmā na dina di Shanwamē bi veshi pē diambi diamē.

26 Nyi be sha mēlikwē, nadiambilindī be shi bindāmā' biamē ; mbo mē kākamē begwē, na ;

27 Bindāmā' biamē bi joka dioi diamē, diō mē veka biō ; bi thēpili nji' mē,

28 Diō mē vē biō thaki' tha adukwa jēshē, diō bi tyi mashitha na diklē pē adukwa jēshē ; tyi bē na mutyi ngwa a mē biō thambitha pē mbō gwamē.

29 Shanwamē, ngwa mivē mē biō, a thī nēn nulami na botyi bēshē ; diō shi na mutyi ngwa woliki biō thambitha pē mbō wu Shanwamē.

30 Beshe na Shanwamē beshē thī nwoto.

31 Diō Baju ba mibali lālā makāki, na, ba wusha yē mō.

32 Jisu a mibulishi bā na, Mē lebilimē be bishali bi-bēnh bilibuthē na diwu' pē Shanwamē thī ; pē ashali yiti yinzha yi be wusha mē makāki ?

33 Baju ba mibulishi yě na; Pě diambi di ashali yiběnh beshě sha wushi wě makaki, nji pě diambi di ntakwa wumbi Anyambiě, nadiambilindĩ wě bě nji mutyi, wě sheikwa na Anyambiě.

34 Jisu a mibulishi bā na, Yi shi lěnjam pě minthali miani na, mē mikā na, be ba thĩ binyambiě?

35 Na a mithebi bā binyambiě ba bibongwě dimbi Anyambiě di minzhĩ pě bā ba thĩ, (diō nlěnja wu sha woli wosha;)

36 Yě ngwa Shanwě a mikithishě na diloma pě pēnzhe nyi, be kā yě na; Wě tathā Anyambiě nadiambilindĩ mē kāmě na; Mě Miana mbi Anyambiě?

37 Na mē sha kāmikā bishali bi Shanwamě, sha mēliaka' pě mē;

38 Nji na mē kāmimě, be do mē mēliě, mēliaka' bishali; na be veki na dimēliě na, Shanwě a thĩ na mē, mē nji' nēi.

39 Nanikě bā ba mibali yě toka bietha; nji yě mithokwa bā pě mbō gwabi;

40 Na dibali kiě pě biatyi bi Jordan, pě womba va Jōn a mibonji baptaiza; diō yě midi tĩ.

41 Diō balibuthě ba minzhĩ pě yě thĩ; diō bā ba mikā na; Jōn a tyi mikāmi n' alombi yimamia; nji ma' mēshě ma Jōn a mibonhthĩ pě diambi di mutyi wā ma thĩ mbo.

42 Diō balibuthě ba mibunli yě tĩ.

## THANGÂKÂ 11.

1 Mutyi a mitatyika ngwa bieta thebiě na, Lazarus ngwa Běthani, akoldi yimbi Meri, bā na manyanjwě Marta.

2 Yě Meri tĩ ngwa mijāli Jisu jāmbā, na dipimbitha mako' mēi na shoi nyěi, ngwa ndomi Lazarus a bieta tata.

3 Diō bakali bēi ba mikěshi nthebili pě yě thĩ na, Shanwashi, sha', ngwa wě dinha a thĩ tata.

4 Mia Jisu a mijo' nani, a mikā na; Ntatyiki wi wu shi wu digwa, nji pě diambi di nēnia wumbi Anyambiě na, Miana mbi Anyambiě a nēniki na gwō.

5 Dið Jisu a midinga Marta, bá na manyanwě, na Lazarus.

6 Nanikě mia yě mijo' na a thĩ tata, a mĩtha' na' tĩ mashu maba pě womba va yě wu na peli.

7 Pisha tĩ dið yě miká bajethi běi na; Mbaliaka, kiě pě Judia.

8 Dið bajethi ba miká yě na; Shanwashĩ, Baju ba kamě wě wusha maká' kia, dið wě bali nji' tĩ kiě?

9 Jisu a mibulishi na; Ndanh na ntyuthě nyi shi diom di magwěla na magwěla maba? Na mutyi thěnhtha na ndanh, a sha duma' dibaki, nadiambi-lindĩ a jě' bithanh bi pėnzhe nyi.

10 Nji na mutyi thěnhtha na mpuma, a dumitha di-baki, nadiambilindĩ bithanh bi shi něi.

11 A miká ma' ma, dið pisha tĩ a miká bá na; Jombi ana Lazarus a thĩ vithě; nji mě kiěmě na mě jemi' yě.

12 Dið bajethi běi ba miká na; Shanwashĩ, na a thĩ vithě wěna a kimě.

13 Nji Jisu a milubili pě diambi di digwa diěi; nji bá ba milanhi na, a milubili pě diambi di njalia wu vithě.

14 Dið Jisu a mikwashithi bá na; Lazarus a gwĩmě.

15 Dið mě donimě pě diambi diani na, mě tyi wu tĩ, na, be mēlikwě; nji ngiěka' pě yě thĩ.

16 Dið Tōmasi, ngwa bieta thebiě na, Diðimūs a miká bajethi bawá' na; Ngieka' bena běshě, bena běshě ba a gwa něi.

17 Mía Jisu a mipami, a mikabi yě a mbie na ditha' shanh mashu manai.

18 Dið Běthani yi wu kuna na Jiruselēm na dikie' diwoto.

19 Dið Baju balibuthě ba mibě ba nzhĩmě pě Marta na Meri ba thĩ; nzha bá jibitha pě diambi di ndomi abi *ngwa gwaka*.

20 Dið mia Marta a migo' na, Jisu a thĩ nzha, a mikiě něi bomita; nji Meri a wu ngě na' diya pě mbanh.

21 Dið Marta a miká Jisu na; Shanwamě, na wě ẽ bě va ka ndomi ashi a sha gwa.

22 Nji mě veka dě na, bilombi biěshě bi wě pika Anyambiě a wě bið vě.

23 Diô Jisu a mikâ yê na; Yâ ndomi kê ê jomia.

24 Marta a mikâ yê na; Mê veka na, a a jomia njomia wu ashu yi madimilia.

25 Jisu a mikâ yê na; Mê njomia na thakiki. Ngwa bunli mê, a gwana gwa, a a diya.

26 Diô mutyi jêshê ngwa thî diya na na dibunli mê, a tyi gwa na dikiê adukwa jêshê. Wê mêlimê dibo-ngwê dî?

27 Diô yê mikâ yê na; Inh, Shaŋwamê; mê mêlimê na, wê Kraïs, Miana mbi Anyambiê, ngwa thî nzha pê pênzhe nyi.

28 Diô mia yê mishi lubila ma' ma, a mikiê na dithe-ba Meri, ngwamanyanwê dishâthâ na; Njeli a nzhi-mê, a thî wê theba.

29 Diô mia yê mijoki, a mitê têbê na dinzha pê yê thî.

30 Nji Jisu a tyi mibê a pamimê pê mbokê; nji a wu pê womba va Marta a mibomita nêi.

31 Diô Baju ba wu nêi pê mbanh, na dingânthâ yê, mia bâ ba mijê' Meri a têkê têbê na didusha, ba mithê-pili yê na; ka a thî kiê pê shânh, kê the' tî.

32 Diô mia Meri a minzhî pê va Jisu a wuthê, na dijê' yê, a mingonjibi pê mako' mêi, na dikâ yê na; Sha-ŋwamê, na wê ê bê va, ka ndomi amê a sha gwa.

33 Nanikê mia Jisu a mijê' yê a bê thetha, na Baju ba minzhî nêi njikê ba bê thetha, a mibê na ngâtâ nyanên pê nlema, na dijê' njuki.

34 Diô a mikâ na; Be shâli yê vî? Ba mikâ yê na; Shaŋwashi, nzha jêkê.

35 Jisu a mithethi.

36 Diô Baju ba mikâ na; Shanga mbo yê midinga yê!

37 Diô bawâ' ba mikâ na; Wâ ngwa milâlishi mishi ma ngwanjimê, a tyi wu na nguldi nya dipepa mutyi wâ na, a sha gwîki?

38 Diô Jisu a mibali bê na ngâtâ nyanên, diô yê minzhî pê shânh. Nyi wu buli, diô dikâ' di minika pê biô.

39 Jisu a mikâ na; Thokaka' dikâki. Marta ngwa-kali mbi ngwa gwaka a mikâ yê na; Shaŋwamê, shoka

nyi a numbimě; nadiambilindĩ a mbie na digwa mashu menai.

40 Jisu a miká yě na; Mě sha ká wě na, na wě mēlimě wěna wě jēmě nguldi nyambi Anyambiě?

41 Diō bā ba mithothi dikāki pē va ngwakiēnh a minikani. Diō Jisu a mibenithi mishi mēi, na dikā na; Dibātā, Shanwamě, nadiambilindĩ wě mijoli mē.

42 Diō mē veka nji' na wě joli mē adukwa jěshě; nji pē diambi di botyi ba tētha ba mē lubimě, na be mēli na wě milomi mē.

43 Mia yě milubili ma' ma a milānh na dioi dinēn na; Lazarus, dushika woni.

44 Diō ngwa ngwaka midushi; maka' na mabō dipiam na mindamba; diō boshi biēi bi wu dipiam na avēlēshě. Jisu a mikā bā na; Tyinākā' yě, a thēnhthakani.

45 Diō dibutha di Baju, di minzhĩ pē Meri thĩ, na dijē' mambi ma Jisu a mikāmi, ba mibunli yě.

46 Nji bawā' ba mikiē pē Bafaraisi ba thĩ, na dithatha bā bilombi bi Jisu a mikāmi.

47 Diō baminisě banēn na Bafaraisi ba mishābillia nwābi na dikā na; Bena thĩ sha na? nadiambilindĩ mutyi wā a kāmā bimamia bilibuthě.

48 Na bena mēlimě na a bēki, wěna botyi bēshě ba bunlimě yě; diō Baroman ba a nzha na dishiliě bena womba na divala.

49 Nji nwātā pē bā ba thĩ ngwa thebiě na, Kaiefasi ngwa wu minisě ngwanēn mbu wutĩ, a mikā bā na; Be sha veka n'alombi,

50 Dō lanhli na, yi thĩ yibēnh pē bena ba thĩ na, mutyi nwoto a gwĩ' pē ashēnh yi botyi, diō divala na ntyuthě do shithě.

51 Nji a tyi mibonhthĩ dibongwě di yēmētě, nji a wu minisě ngwanēn mbu wutĩ, diō yě mishā' na, Jisu a a gwa pē ashēnh yi divala dinādi;

52 Nji ana pē ashēnh yi divala dinādi dipa, nji na, a shābiliaka' pē yiwoto bana bambi Anyambiě ba thĩ vanjika vanjika.

53 Nanikê na diwu' ashu yitî ba mikiê ashoka bikiê na bikiêkê mbo bâ ba jo' yê.

54 Nanikê Jisu a tyi mithênhtha pê na' na bitemi pê Baju ba thî; nji a mithokwa tî pê pênzhe nya thî kuna na thakombi, pê akoldi yi thebiê na, Ifraim, tî bâ na bajethi bëi ba midiyani.

55 Diô dibe' di nulia di Baju di mibê di mbie kuna; diô balibuthê ba miwu pê pênzhe na dibeta pê Jiruse-lem mia dibe di sha bê, na ba koshi' manyuli mabi.

56 Diô ba mito' Jisu, diô bâ na bâ ba miluba' pê mbanh wumbi Anyambiê tēbitēbi na; Be jê' na, a tyi nzha pê dibeki?

57 Diô baminisê banên na Bafaraisi ba mibê ba shimê bomili botyi na; na mutyi a vemê va yê thîyî, a thakiki, na ba bie' yê.

## THANGÂKÂ 12.

1 Mia mâ ma mibê ma likamê mashu matani na yiwoto wêna dibe' di nulia di bēmê, Jisu a minzhî pê Bētani, va Lazarûs ngwa migwî a midiani ngwa yê mijomithi.

2 Diô ba mithambili yê bidia tî, diô Marta a mivenhli atabili; nji Lazarûs a wu nwākâ ngwa bâ nêi ba midiya pê atabili.

3 Diô Meri a minânh digwêla di jâmbâ yi narda yi wu na dishombi dideli, diô yê mijâli yô pê mako' mambi Jisu na dipimbitha mako' mēi na shoi nyēi; diô mbanh wu milonji na anumba yi jâmbâ.

4 Diô nwoto pê bajethi bëi, Judas Aiskariot, mbi Saimon, ngwa mibê na a a yê bieshê, a mikâ na;

5 Ndî jâmbâ yi yi sha shombiba na minkama mi bafura miba, na divebiê bamimbubi?

6 A tyi mikâ mbotyi nadiambilindî a wu na bamiimbubi na mbambi; nji nadikâna a wu njibi, yê nji wu na mianzhê na dijiba bilombi bi bâ ba mitâbiki tî.

7 Diô Jisu a mikâ na; Pata' yēni, a talimê yô pê ashu yi nshâthibia gwamê.

8 Nadiambilindî bamimbubi be ba thî nabi mbainhmbainh, nji bena shi mbainhmbainh.

9 Diö Baju balibuthë ba mive' na a thÿ tÿ; diö ba minzhÿ, ana pë diambi dimbi Jisu dipa, nji na ba jë' Lazarüs, ngwa yë mijomithi.

10 Nji baminisë banën ba mibonji ashoka na, ba jo' nji' Lazarüs.

11 Nadiambililindÿ Baju balibuthë ba mikië bunli Jisu na diambi diël.

12 Bia lënji botyi balibuthë ba minzhÿ pë dibeki, mia bâ ba mijo' na Jisu a thÿ nzha pë Jiruselëm,

13 Ba minânh bibombi bi binjiki na didusha kië bomita nëi; diö ba milânh na; Hozana; dibâtâ di bë' pë Abotyi yi Israel, ngwa thÿ nzha pë dina dimbi Anyambië.

14 Diö mia Jisu a mijë' buru ngwashalië, a mijebi yë, mbo yë yi thÿ lënjam na;

15 Sha nyëngi, miana ngwamiali ngwa Sion; sha', abotyi já yi thÿ nzha, betam pë miana ngwa buru.

16 Diö bajethi bëi ba tyi mijombia veka ma' ma pë ditatyiki; nji mia Jisu a mibetyi pë thobë diö bâ ba mishimisha na, ma' ma ma thÿ lënjam pë mbö gwëi, diö bâ ba misha nji' yë ma' ma.

17 Diö botyi ba wu nëi, ba mithaka mbo yë mithebi Lazarüs na diwutha pë shânh, na dijomitha yë.

18 Pë diambi di diö botyi ba mibomita nëi, nadiambilindÿ ba mijo' na, a mikâmi mamia wu.

19 Diö Bafaraisi ba mikâ bâ na bâ na; Be jëmë mbo be sha kâmâ n'alombi? Sha', botyi bëshë ba thÿ yë thëpilië.

20 Diö Bagriki ba wu pë nshamba ngwabi wu mibëtyi nzha junh pë dibe' di;

21 Diö bâ ba minzhÿ pë Fÿlÿp thÿ ngwa Betsaida yi Galili, na dipika yë na; Shanwashi, bëshë naka jë' Jisu.

22 Fÿlÿp a minzhÿ na dithatha Andru; diö Andru bâ na Fÿlÿp ba mithathi Jisu.

23 Diö Jisu a mibulishi bâ na; Digwëla di nzhyëmë di Miana ngwa mutyi a nëniki.

24 Mbombo më kâ be na; na thambashi tha mpotyi tha sha kwa pë bishâpâ na digwa, wëna tha dimë thö dipa; nji na tha gwëmë wëna tha jumimë balibuthë.

25 Yê ngwa dinha thaki' thêi a a thô kutyitha; diô yê ngwa bena thaki' thêi pê pênzhe nyi, a a thô tali pê thaki' tha adukwa jêshê.

26 Na mutyi a kubimê mê ashali a thêpili' mê; diô va mê thîyî, tî njikê nkubi ngwamê kê ê bê; diô na mutyi a kubimê mê ashali wêna Shaṅwamê a junhmê yê.

27 Va nlema gwamê wu jê' njuki; nji mê kâ na? Shaṅwamê kishi' mê pê digwêla di? nji pê diambi di, diô mê nzhakamê pê digwêla di.

28 Shaṅwamê, nênishî' dina diâyê. Diô dioi di minzhî na diwu' pê thobê na; Mê minênishi diô, mê ê nji diô bali nênishê.

29 Diô botyi ba wu tî tēbitēbi na dijoka, ba mikâ na; Ngali. Bawâ' ba mikâ na; Ngwanlomili a thî nêi lubila.

30 Jisu a mibulishi na dikâ na; dioi di di sha nzha pê diambi diamê, nji pê diambi diani.

31 Njêlia wu pênzhe nyi wu thî va; va ngwa-botyi yi pênzhe nyi a a kutyiba.

32 Diô mê na mê tombiamê na diwu' pê shî, wêna mê dambimê botyi beshê pê mê thî.

33 A milubili dibongwê di pê diveshê ntyinh wu ngwebia wu yê ê gwa.

34 Diô botyi ba mibulishi yê na; Beshê ba jomê pê minthali na, Kraisa a a di adukwa jêshê; diô ndî wê kâ na; Miana ngwa mutyi a tombikwani? Miana ngwa mutyi tî yê nzha?

35 Jisu a mikâ bâ na; Via adukwa yishali bithânh mêtê bi thi na' nani; Veka' thênhtha mia be ba thi na bithânh bitî, divityiki di shanh pê be bietha; nadia-mbilindî yê ngwa thênhtha pê divityiki a sha veka va yê kiê.

36 Mia be ba thî na bithânh, bunliaka' bithânh, na be ba bê' bana ba bithânh, Jisu a mibonhthi mabongwê ma; diô yê mikiê na dishathiba.

37 Nji a gwana shili kâmâ bimamia binên bi pê maboshê mabi, ba tyi mibunli yê.

38 Diô dibongwê dimbi Aisaia ngwanshaki di minzhî mbombo, di yê mikâ na; Shaṅwamê, nzha mimêli



nthaka gwashi? Diö nguldi nyambi Anyambië nyi mijënia pë nzha thî?

39 Nanikë bā ba tyi miwoli mëlië, nadiambilindî Aisaia a mikā wombā wākā na;

40 A midibi bā mishi, na didelishë bā minlema; ba jë' pë jë' na mishi, na diveka na minlema, na divitya, kâ më kishimë bā.

41 Aisaia a mibonhthi mabongwë ma, mia yë mijë' nënia gwëi; na dilubila pë diambi diëi.

42 Nji dibutha di binami diwākā di mimëli yë; nji pë diambi di Bafaraisi ba tyi mimëmi yë; nadikāna ba jë' pë bā thotha pë sunagogi.

43 Nadiambilindî ba midinga apa' yi botyi dakami na apa' yimbi Anyambië.

44 Diö Jisu a milubili thobë na dikā na; Yë ngwa bunli më, a sha bunli më, nji yë ngwa milomi më;

45 Diö yë ngwa jë' më a jë' yë ngwa milomi më.

46 Më minzhî bithánh pë pënzhe nyi, na mutyi jëshë ngwa bunli më a tyi di pë divityiki.

47 Diö na mutyi a jomë mabongwë mamë, yë do mō mëlië, më sha jëli yë; nadiambilindî më tyi minzhî pë dijëli botyi, nji pë dikishë botyi.

48 Yë ngwa kuta më, yë do nji' nānh mabongwë mamë, a thî na njëli ngwa a yë jëlië; dibongwë di më mibonhthî, diö di i yë jëlië pë ashu yi madimilia.

49 Nadikāna më tyi mibonhthi mëmëtë; nji Shanh ngwa milomi më, yëmëtë mithathi më mbo më ë lubila, na mbo më ë bonhtha.

50 Diö më veka na, nthakwa gwëi wō thaki' tha adukwa jëshë; nanikë ma' ma Shanh a mikā më mō ma më lubila.

### THANGĀKĀ 13.

1 Diö mia tî dibe' di nulia di sha bë, mia Jisu a mive' na digwëla diëi di mibë na di nzhimë, na a a thokwa pë pënzhe nyi, na dikië pë Shanh thî, a midinga mbëi mëte, a midinh nji' bā na dikië pë thandāga.

2 Diö bidia bi mibë kokami, (Setan a mibë a tabimë pë nlema wumbi Judas Aiskariot, miana mbi Saimon, na a bieshi' yë.)

3 Jisu a mive' na Shanah a mivě bilombi biěshě pě mbõ gwěi, diõ yě mive' nji' na a miwu' pě Anyambiě thĩ, tĩ nji yě thĩ kiě ;

4 Diõ yě mitěbi na diwu' pě bidia, na dithotha bangái bēi; diõ yě minanh atoli na dityinhli yõ pě diboka diěi.

5 Pisha tĩ diõ yě mishobi madiba pě ntyěngě, na dita-tylli jobitha mako' ma bajethi, na dipimbitha mõ n' atoli yi yě wu yõ tyinhliě.

6 Diõ yě minzhĩ pě Saimon Pitěr thĩ, diõ yě miká yě na; Shanwamě, wě ẽ jobitha mako' mame?

7 Jisu a mibulishi na diká yě na; Yi mě thĩ va kámá wě sha veka; nji wě ẽ veka pě boshě.

8 Pitěr a miká yě na; Wě tyi majobitha mako' mamě na dikiě adukwa jěshě Jisu a mibulishi na diká yě na; Na me sha jobitha wě, wěna wě shi jombi na mě.

9 Diõ Saimon Pitěr a miká yě na; Shanwamě, ana mako' mamě dipa; nji mabõ mamě, na thangákâ thamě.

10 Jisu a mibulishi yě na; Yě ngwa thĩ jobi, a shi na mbambi věngě na a jobi' mako' mēi, nji a thĩ nyuli nyěshě pu; diõ be thi pu; nji ana be běshě.

11 Nadiambilindĩ a mive' ngwa a yě bieshě; nanikě yě miká na; Be shi pu běshě.

12 Nanikě mia yě mishi jobitha mako' mabi, na dinanh bangáyě, a mibali di shĩ na diká bá na; Be vemě mbo mē kámikamě begwě?

13 Be theba mē na; Njeli, na Shanwě; diõ be veka tyuba, nadiambilindĩ nani mē thĩyĩ.

14 Nanikě na mē, Shanwani na Njeli, mē jobimě mako' mani, be nji' jobiliaka' mako' mani be na bewě.

15 Nadiambilindĩ mē jelimě bewě, na, kámika' mbo mē shikamě be kámá.

16 Mbombo mē ká be na; Miana a shi dakami na shanwě; do ngwanlomili nulami na ngwa milomi yě.

17 Na be vemě ma' ma, dibátâ di thi nani, na be ká-mimě mõ.

18 Mě sha luba' be běshě; mē vemě bá ba mē tabi-mě; *nji ma' ma ma thĩyĩ*, diõ minlěnja mi thĩ mbombo na; Yě ngwa dia mpěmba na mē a tombimě dityili diěi pě mē thĩ.

19 Mě bomilia be dibongwě di va, na mia diō di i bē, be ba a veka na, mē thīyī.

20 Mbombo mē kâ be na, Yě ngwa nānh ngwa mē loma, a nānh mē; diō yě ngwa nānh mē, a nānh yě ngwa milomi mē.

21 Diō mia Jisu a mikâ ma' ma a mijē' njuki pē nlema gwēi, diō yě miveshi na dikâ na; Mbombo mē kâ be na, nwoto pē be ba thī a a mē bieshē.

22 Diō bajethi ba mishanhliā bā na bā, na dimamitha ngwa yē mikākā.

23 Diō njethi nwoto, ngwa Jisu a midinga, a mijēka pē tothi nyambi Jisu.

24 Diō Saimon Pitēr a minyēli yē na, a piki yē ngwa yē kâthā.

25 Diō yē ngwa mijēka pē tothi nyambi Jisu, a mikâ yē na; Shanwamē, ye nzha?

26 Diō Jisu a mibulishi na; Ngwa mē ē tombili apēshi yi mē ē duba pē miēmbē, yē yē. Diō mia yē midubi apēshi, a mitombili yō Judas Aiskariot, *miana* mbi Saimon.

27 Diō pisha nya yē *mikashi* apēshi, Setan a minyinhthi pē yē thī; diō Jisu a mikâ yē na; Yi wē ē kāmā, wolishi yō kāmā.

28 Diō tyi mibē na mutyi ngwa midi pē atabili ngwa mive' mbo yē mikâ yē.

29 Nji bawā' ba milanhli na, nadiambilindī Judas a bieta vambila mianzhē, ka Jisu a mikâ yē na; A shombiki bilombi bi bā ba minaki pē dibeki, do na a vē' bamimbubi alombi.

30 Diō mia yē mikashi apēshi, a mitē 'dusha, diō busha bi wu mpuma.

31 Diō mia yē midushi Jisu a mikâ na; Va Miana ngwa mutyi a nēnimē, diō Anyambiē nji' a nēnimē nēi.

32 Na Anyambiē a nēnimē nēi, wēna Anyambiē a a yē nēnishē na yēmētē, diō a a yē tēkē nēnishē.

33 Bana bamē, vi' adukwa yikwē mē thī na' nani; be ba a mē toka, diō mbo mē mikâ Baju na; Va mē thī kiē, be sha woli nzha; nani kē nji' mē kâ bewē.

34 Nthali wukia wu më vëkamë bewë na; Dinhli-aka' be na bewë; mbo më midinga bewë, na, dinhli-aka' be na bewë.

35 Pë diambi di diö di botyi bëshë ba a veka na, be bajethi bamë, na be dinhliamë be na bewë.

36 Saimon Pitër a mikâ yë na; Sharwamë, wë thî kië vî? Jisu a mibulishi yë na; Va më thî kië va, wë sha woli më thëpilië; nji wë ë më thëpili pë boshë.

37 Diö Pitër a mibulishi yë na; Sharwamë, ndî më sha woli wë thëpili kia na? Më ë ni' thaki' thamë pë diambi diä'.

38 Diö Jisu a mibulishi yë na; Wë ë ni' thaki' thayë pë diambi diamë? Mbombo më kâ wë na, kuba a tyi lân, vëngë na wë shashimë më makanh malali.

## THANGÂKÂ 14.

1 Sha jënishaka' pë minlema miani njuki; bunliaka' Anyambië, bunliaka' nji më.

2 Pë mbanh wu Sharwamë bidiya bilibuthë bi thî tî; na shi nani, ka më bojimë bewë; më kiëmë be koshi womba.

3 Diö na më kiëmë na dikoshi be womba, wëna më balimë be nzha nân pë më thî; na va më thîyî, ti be ba a bë.

4 Na va më thî kië be veka, be veka nji' nzhetha.

5 Tömas a mikâ yë na; Sharwashi, beshë sha veka va wë thî kië; diö beshë ba a veka nzhetha na?

6 Jisu a mikâ yë na; Më nzhetha, na mbombo, na thakiki; shi na mutyi ngwa nzha pë Sharwamë thî ngë na më.

7 Na be ba a bë be veka më, ka be veka nji' Sharwamë; diö na diwu' va be veka yë, be jëmë nji yëni.

8 Fîlîp a mikâ yë na; Sharwashi, lebili' beshë Sha-gwë, wëna yi komë beshë.

9 Jisu a mikâ yë na; Fîlîp, abembi yinën më na didi nani yi, diö wë sha veka më? Yë ngwa jëkamë më a jëmë nji' Sharwamë; diö ndî wë kâ na; Lebili' beshë Shâ-gwë?

10 Wë sha mëli na, më thî pë Shan thî, diö Shan

pë më thÿ njikë? Mabongwë ma më lubila më sha luba' më mamë më të; një Shanh ngwa di për më thÿ, yëmëtë kuba bishali.

11 Mëliaka' më na, më thÿ për Shanh thÿ, di Shanh a thÿ për më thÿ; na yi shi nani, mëliaka' më për diambi di bishali biëmëtë.

12 Mbombo më kâ be na, yë ngwa bunli më, bishali bi më kâma, bi një' bi yë ë kâma, di yë ë kâma bishali binën dakami na bi; nadiambilindi më thÿ kië për Shaḡwamë thÿ.

13 Di Shalombi jëshë yi be ba a pika për dina diamë, më ë yë kâma; na Shanh a nëniki na Miana.

14 Na be pimë Shalombi jëshë për dina diamë, wëna më kâmimë yë.

15 Na be dinhmë më, taliaka' minthali miamë.

16 Di më ë pika Shaḡwë; di yë ë be vë Nvili nwakâ, na a di nani adukwa jëshë;

17 Yë Nshinhshinh wu mbombo, wu pënzhe nyi nyi sha woli nân, nadiambilindi nyi sha jë' wë, do veka wë; një be veka wë, nadiambilindi wu di nani, wë një' wu u bë për be ba thÿ.

18 Më tyi lika be bana ba bilika; më thÿ nzha për be ba thÿ.

19 Vi' abembi yikwë pënzhe nyi nyi tyi jë' për na' më, një be ba a më jënë; nadiambilindi më diya, be ba a një' diya.

20 Pë ashu yÿti be ba a veka na, më thÿ për Shaḡwa' thÿ, be për më thÿ, më një' për be va thÿ.

21 Yë ngwa thÿ na minthali miamë, na ditali mi Sh, yë një' yë ngwa dinha më; na yë ngwa dinha më a a një' dinhmba na Shaḡwamë; di më ë yë dinha na dijënia për yë thÿ.

22 Judas (ana ngwa Iskariot,) a mikâ yë na; Shaḡwamë, ndi wë ë jënia për beshë ba thÿ, ana për pënzhe nyi, yi thÿ na!

23 Jisu a mibulishi yë na; Na mutyi a dinhmë më, wëna a talimë dibongwë diamë; di Shaḡwa' a a yë dinha, di beshë ba a nzha për ye thÿ, na didi nëi.

24 Yë ngwa sha dinga më, a sha tali një' mabongwë

mamě; diô dibongwě di bē joka di shi ndiamě, nji di Shaṇwě ngwa milomi mē.

25 Mě shimě be thatha ma' ma mia mē thī na' nani.

26 Nji Nvili, yě nji' Nshinhshinh wu akitha, ngwa Shaṇwamě a a loma pē dina diamě, yě ē be jeli mambi mēshě, na dilanhli begwě kâ be shimishamě mambi mēshě ma mē shikamě be bonhtha.

27 Pâthâ nya mē likamě nani, pâthâ nyamě nyô mē vekamě bewě; ana mbo nvěbia wu pēnzhe nyi wu mē vë bewě. Minlema miani mi sha jě' njuki, mi sha nyēngi.

28 Be jomě mbo mē kâkamě be na; Mě thī kiě, mē thī nji' bulia pē be ba thī. Na be dinhmě mē, kâ be donimě nadiambilindī me kāmě na, mē Kiēmě pē Shan thī; nadiambilindī Shaṇwamě a thī nēn nula-mi na mē.

29 Mě thakimě be va, mia tī yi sha bē, na yi bēmě ka be mēlimě.

30 Mě tyi buli pē na' lubila nani; nadiambilindī ngwaboty yi pēnzhe nyi a thī nzha, diô yě shi na alo-mbi pē mē thī.

31 Nji na, pēnzhe nyi veka na mē dinha Shaṇwě; diô mbo Shaṇwě a mityinjili mē nani mē kāmâ; tebi-kani, ngiékani.

## THANGÂKÂ 15.

1 Mě mathembě ngwambombo, diô Shaṇwamě yě nshathi.

2 Alabi jamě jěshě yi sha juma bibuma, a thotha yô; diô alabi jěshě yi juma bibuma, a komba' yô, na yi buliki juma bibuma.

3 Va be thī kombiam, na dibongwě di mē shikamě be bonhtha.

4 Dikani pē mē thī, mē nji' pē be ba thī. Mbo alabi yi sha woli juma bibuma yômětě, na yi sha shumba pē mathembě; nani nji' begwě, na be sha di pē mē thī.

5 Mě mathembě, begwě kě bilabi; yě ngwa di pē mē thī, mē nji' pē yě thī, yě buli juma bibuma, nadiambilindī tyi mēwě be sha woli kāmâ alombi.

6 Na mutyi a sha dika pë më thÿ, wëna a kutyibimë mbo alabi, na divëla; diö botyi ba lälä biö, na dikuta biö pë du, diö biö didikadi.

7 Na be dimë pë më thÿ, na mabongwë mamë nji' ma dimë pë be ba thÿ, wëna alombi jëshë yi be ba a pika yi bëmë nani.

8 Pë di diö di Shanwamë a nënimë na, be ba a buli juma bibuma; diö be ba a bë bajethi bamë.

9 Mbo Shanb a midinga më, uani kë më midinga begwë; bëka' pë thadinh thamë.

10 Na be talimë minthali miamë wëna bë bëmë pë thadinh thamë; mbo më taliakamë minthali mi Shanwamë na dibë pë thadinh thei.

11 Ma' ma më shikamë be thatha na, adoni jamë yi bë' pë be ba thÿ, diö adoni jani njikë yi lonjiki.

12 Nthali gwamë wö wu, na dinhliaka' be na bewë, mbo më midinga begwë.

13 Shi na mutyi ngwa thÿ na thadinh thanën nulami na tha na, mutyi a vë' thaki thei pë diambi di bajombi bëi.

14 Na be kânimë bilombi biëshë bi më kâ begwë, wëna be bëmë bajombi bamë.

15 Më sha thebika pë na' be bakubi, nadiambilindÿ nkubi a sha veka mbo shanh kâma; nji më thebimë be bajombi, nadiambilindÿ më veshimë begwë belombi biëshë bi më jokamë pë Shanwamë thÿ.

16 Be tyi mitäbi më, nji më mitäbi begwë, na diteli begwë na, kiëkani be ba a juma bibuma, kâ bibuma biani bi dimë, na alombi jëshë yi be ba a pika Shanwamë pë dina diamë a a be yö vë.

17 Ma' ma më kâkamë be na, dinhliaka be na bewë.

18 Na pënzhe nyi nyi benimë begwë, be veka na nyi mibonji më bena.

19 Na be bëmë ba pënzhe nyi wëna pënzhe nyi nyi dinhmë mbëimëtë; nji nadiambilindÿ be shi ba pënzhe nyi, nji më tábikamë begwë na diwu' pë pënzhe nyi; nani kë pënzhe nyi nyi benikamë begwë.

20 Shimishaka' dibongwë di më mibonhthi begwë; na, Nkubi a shi nëni dakami na Shanwë. Na ba thë-

pillimě mě, wěna ba thěpillimě nji' begwě; na ba talimě dibongwě diamě, wěna ba talimě nji ndiani.

21 Nji ma' ma mēshě ba a be mō kāmā pě diambi di dina diamě, nadiambilindī ba sha veka ngwa milomi mě.

22 Na mě bě tyi nzhawě na dithatha bā, ka ba tyi mibě na bibe; nji va ba shi na nvěngwa wu bibe biabi.

23 Yě ngwa bena mě, a bena nji' Shaṇwamě.

24 Na mě bě do kāmā pě tema nyabi bishali bi mutyi nwākā a tyi mikāmi, ka ba tyi mibě na bibe, nji va ba jēmě na dibena mēni, na Shaṇwamě njikě.

25 Nji *yi yi mibě nani*, diō dibongwě di thī lēnjam pě nthali gwabi di mibě mbombo na; Ba mibenī mě tyi dibomba.

26 Nji mia Nvili kě nzha, ngwa mě ǝ loma pě be ba thī na diwu' pě Shanḥ thī, yě 'nji' Nshinhshinh wu mbombo, wu dusha na diwu' pě Shanḥ thī, yě ǝ be bonhtha pě diambi diamě.

27 Diō be njike ba a bonhtha, nadiambilindī be wu na mě na diwu' pě ditatyiki.

## THANGÂKÂ 16.

1 Mě shimě be thatha ma' ma na, sha bebikani.

2 Ba a be dushě pě basunagogi babi; diō adukwa yi thī nzha yi mutyi jěshě ngwa a be jotha, a a lanhli na a thī kāmā Anyambiě ashali.

3 Diō bā ba a be kāmā ma' ma, nadiambilindī ba sha veka Swaṇwě, do mě.

4 Nji mě shimě be thatha ma' ma na, mia adukwa yi i nzha be ba a shimisha na, mě mishi be mō thatia. Nji mě tyi mibonhthi begwě bilombi bi pě ditatyiki, nadiambilindī mě wu na' nani.

5 Nji mě thī kiě pě ngwa milomi mě thī; diō shi na mutyi pe be ba thī ngwa pika mě na; Wě thī kiě vī?

6 Nji nadiambilindī mě thakimě be bilombi bi, minlema miana mi lonjimě nā ngātā bēni.

7 Nji mě bonhtha be ngě mbombo na, yi thī yibēnh pě be ba thī na, mě kiěkě, nadiambilindī na mě sha



kiš, wěna Nvili a tyi nzha pě be ba thĩ; nji na mě kiš-mě wěna mě lomimě yě pě be ba thĩ.

8 Nji na a nzhĩmě, wěna a kobishimě pēnzhe nyi pě diambi di bibe, na bibēnh, na dijēliē.

9 Pě diambi di bibe, nadiambilindĩ ba sha bunli mẽ.

10 Pě diambi di bibēnh, nadiambilindĩ mẽ kiēmě pě Shanwamě thĩ, diō be sha jě' pě na' mẽ.

11 Pě diambi di dijēliē, nadiambilindĩ ngwaboty i pēnzhe nyi a thĩ jēliami.

12 Mě thĩ na ma' malibuthě ma mẽ kumba be bonhtha, nji va be sha woli mō shinhliē.

13 Nji na a nzhĩmě, Nshinhshinh wu mbombo, wěna a tokimě begwě pě ma' ma mbombo mēshě; nadiambilindĩ a tyi thatha yēmētē, nji' ma' mēshě ma yě ē joka, a a ngē mō thatha, diō a a be bomiliē mambi ma thĩ nzha.

14 A a mẽ nēnishě, nadiambilindĩ a a nānh mamě na dibomiliē be mōni.

15 Mambi mēshě ma Shan a thĩ na mō, ma thĩ mamě, nanikě mẽ kāmě na; a a nānh mamě na dibomiliē be mōni.

16 Abembi yikwě wěna be tyi jě' mẽ; diō abembi yikwě njikě wěna be jēmě mẽ, nadiambilindĩ mẽ kiēmě pě Shan thĩ.

17 Diō bajethi bēi bawākā ba miluba' bā na bā na; Ndĩ yi, yi yě bonhtha beshě na; Abembi yikwě wěna be tyi jě' mẽ; diō abembi yikwě njikě wěna be jēmě mẽ; diō, nadiambilindĩ mẽ kiēmě pě Shan thĩ?

18 Nanikě bā ba mikā na; Abembi yitĩ yi yě katha yi thi na? beshě sha veka mbo yě katha.

19 Nji Jisu a mive' na ba mikā yě pika; diō yě mikā bā na; Be thĩ pilia be na bewě dibongwě di mẽ kaka-mě na, Abembi yikwě diō be tyi jě' mẽ, diō abembi yikwě njikě wěna be jēmě mẽ?

20 Mbombo mẽ kā be na, be ba a thetha majanh, nji pēnzhe nyi nyi i ngē dona; be ba a bē na ngātā, nji ngātā nyani nyi i vitya adoni.

21 Na mimiali a mbie dibialiē wěna a jēmě ngātā, nadiambilindĩ adu' jēi yi nzhĩmě; nji na miana a shā-

mbimě, wěna a sha lanhli pě na' nvimi *wu dibaliě'* pě diambi di adoni, nadiambilindī mutyi a bialimě pě pēnzhe nyi.

22 Nanikě nji' be ba thī na ngatā; nji.mě ē be bali jēně, diō minlema miani mi i dona, diō adoni jani, tyi bē na mutyi ngwa a be yō thambitha.

23 Diō ashu yitī be tyi pika mē alombi. Mbombo mē kâ bē na, alombi jēshē yi be ba a pika Shaṇwē pě dina diamē, a a be yō vē.

24 Na dinzha adukwa yi be sha pika alombi pě dina diamē; pikani, be ba a nānh, na adoni jani yi lonjiki.

25 Mē shimě be thatha ma' ma na mangana, nji adukwa yi thi nzha yi mē tyi thatha pě na' be na mangana, nji mē ē be kwashitha pě mbō Shaṇwē kwashi.

26 Ashu yitī be ba a pika pě dina diamē; diō mē sha kâ be na, mē ē shoshiliē Shaṇwē pě diambi diani;

27 Nadiambilindī Shaṇwē yēmētē a dinha begwē, nadiambilindī be dinhmē mē, na dimēliē na mē minzhī na diwū' pě Anyambiē thī.

28 Mē miwu' pě Shanḥ thī, diō mē minzhī pě pēnzhe nyi; diō mē thī bali lika pēnzhe nyi na dikiē pě Shanḥ thī.

29 Diō bajethi bēi ba mikā yē na, Sha' va wē thī lubila kwashi, do pě nā' lubila ngana.

30 Va beshē vemē na, wē veka bilombi biēshē, diō wē shi na mbambi na mutyi a piki gwē; pě diambi di beshē ba mēlimē na wē miwu' pě Anyambiē thī.

31 Jisu a mibulishi bā na; Be mēlimē dē?

32 Sha' adukwa yi thī nzha, diō yi nzhīmē njikē, yi be ba vanjika mutyi jēshē pě mbēi na dilika mē dipa; diō mē shi mē dipa, nadiambilindī Shaṇwē a thī na mē.

33 Mē shimě be thatha ma' ma na bēka' na pāthā pě mē thī; pě pēnzhe nyi be ba a bē na njuki; nji jikani, mē damē pēnzhe nyi.

## THANGÂKÂ 17.

1 Jisu a mithathi ma' ma diō yē mibenithi mishi mēi pě thobē na dikā na; Shaṇwamē adukwa yi nzhī-

mě, nēnishi' yā Miana; na yā Miana a nēnishi' nji' gwě;

2 Nadiambilindī wě vēmě yě nguldi pē diambi di nshoni gwěshě, na, mutyi jeshě ngwa wě vėkamě yě, a vě yě thaki tha adukwa jěshě.

3 Diō thaki' tha adukwa jěshě thō tha, na, ba vekī wě Anyambiē nwoto dipa ngwambombo, na Jisu Krais ngwa wě milomī.

4 Mě nēnishimě gwě pē pēnzhe nyi; ashali yi wě mivě mě, na mě kubiki yō, mě shillimě yōni.

5 Diō va, Shanwamě, wě nji' nēnishi' mě nāyě nshamba wuoto, na nēnia wu mě wu na gwō mia tī pēnzhe nyi nyi sha bē.

6 Botyi ba wě mivě mě na diwu' pē pēnzhe nyi, mě lebilimě bā dina diā. Ba wu mbāyě, diō wě mivě mě bā, diō bā talimě dibongwě diā.

7 Va ba vēmě na bilombi biěshě bi wě mivě mě, bi thī mbiayě.

8 Nadiambilindī mě vēmě bā mabongwě ma wě mivě mě, diō ba nānhmē mō, na dijombia veka na, mě wumě pē gwě thī; diō bā ba mēliakamě na, wě milomī mě.

9 Mě pika pē diambi diabi; mě sha pika pē diambi di pēnzhe nyi, nji pē diambi di bā ba wě mivě mě, nadiambilindī ba thī mbāyě.

10 Diō mbiāmě běshě mbiayě, na mbiayě mbiāmě njikě, diō mě minēnikě na biō.

11 Diō va mě shi pē na' pē pēnzhe nyi, nji ba ba thī pē pēnzhe nyi, diō mě nzhīmě pē gwě thī. Shanwamě ngwankānjili, tāli' bā pē dina diāyě, ba wě mivě mě; na ba bē nwoto mbo bonā thīyě.

12 Mia mě wu nabi pē pēnzhe nyi, mě bieta bā tali pē dina diā; ba wě mivě mě mě mitali bā, diō shi na ngwa tokwamě, tho' nge miana ngwa nshithia, na nlēnja wu bē mbombo.

13 Diō va mě nzhīmě pē gwě thī, diō mě lubila bilombi bi pē pēnzhe nyi; na ba bē' na adoni jamě kāmiam pē bāmētě ba thī.

14 Mě vēmě bā dibongwě diā; diō pēnzhe nyi nyi

mbeni bâ, nadiambilindî ba shi ba pënzhe nyi, mbo më shi ngwa pënzhe nyi.

15 Më sha pika na, wë ë thotha bâ pë pënzhe nyi, nji na, wë ë bâ talië na diwu' pë bibe.

16 Ba shi ba pënzhe nyi, mbo më shi ngwa pënzhe nyi.

17 Pumishi' bâ na mbombo gwâ; dibongwë diâyë diô mbombo.

18 Mbo wë milomi më pë pënzhe nyi; nani nji' më milomi bâ pë pënzhe nyi.

19 Diô më pumishë nyuli nyamë pë diambi diabi, na, bâ nji' ba bë pumam na mbombo.

20 Më sha pika pë diambi di botyi ba dipa, nji pë diambi diabi bâ bëshë ba a bunli më na dibongwë diabi;

21 Na, bâ bëshë ba bë yiwoto; mbo wë, Shaṇwamë, wë thî pë më thî, më nji' pë gwë thî, na, bâ nji' ba bë yiwoto pë bonâ thî; na, pënzhe nyi nyi mëli' na wë milomi më.

22 Diô nënia wu wë mivë më, më vëmë bâ gwô, na ba bë' yiwoto mbo mbonâ thîyî.

23 Më pë bâ ba thî, wë nji pë më thî, na ba be bambathë pë yiwoto, diô na, pënzhe nyi nyi veki na, wë milomi në, na didinha bâ mbo wë dinha më.

24 Shaṇwamë, bâ ba wë mivë më, më naka na ba bë' na më va më thîyî; na ba jë' nënia gwamë, wu wë mivë më, nadiambilindî wë midinga më mia tî ditatyiki di pënzhe nyi di sha bë.

25 Shaṇwamë ngwankânjili, pënzhe nyi nyi sha veka gwë, nji më vëmë gwë, diô bâ ba vemë na wë milomi më.

26 Diô më shimë bâ veshi dina diâyë, më ë nji' diô veshë; na thadinh tha wë dinha më, tha bë pë bâ ba thî, më nji' pë bâ ba thî.

## THANGÂKÂ 18.

1 Mia Jisu a mibonhthi ma' ma a midushi, bâ na bajethi bëi na dikië pë biatyi bi vitonh vi Kidron, va akanh yi wuthë, diô yë minyinhthi tî bâ na bajethi bëi.

2 Diô Judas njikë, ngwa mibieshi yë, a mive' wo-

mba tĩ; nadiambilindĩ Jisu a bieta tĩ buli kiě, bā na bajethi bēi.

3 Nanikě Judas, mia yě mibě a nānhmē nshamba wu bashāshē na bakubi pē baminisē banēn na Bafaraisi ba thĩ, a minzhĩ tĩ na bilampi na bitiyē na minkwata.

4 Jisu a mive' bilombi biěshē bi mibē bi i nzha pē yě thĩ, diō yě mikiě bomita nabi, na dikā bā na, Be toka nzha?

5 Ba mibulishi yě na, Jisu ngwa Nazarēti. Jisu a mikā bā na; Mě yě. Diō Judas ngwa mibieshi yě, a mitētha nji' pē nshamba gwabi.

6 Diō mia yě mikā bā na; Mě yě, ba mibulia pishē na dikwa shĩ.

7 Diō yě mibali bā pika na; Be toka nzha? Diō bā ba mikā na, Jisu ngwa Nazarēti.

8 Jisu a mibulishi na; Mě bonimē be na; Mě yě; nanikě na be thĩ mě toka, pataka' ba, ba kiěkě.

9 Diō dibongwē di mibē mbombo, di yě mikā na; Bā ba wē mivē mē mē sha kuta do nwoto.

10 Diō Saimon Pitēr a wu na nkwata wu nyēniē diō yě mijamithi gwō na dikwēlē nkubi ngwa minisē ngwanēn gwālē ngwa shanjwē. Ngwakubi dina diēi na Malkūs.

11 Diō Jisu a mikā Pitēr na; Bulishi' nkwata pē dibambi; dimā' di Shanwamē a vēmē mē, mē sha nātyiki diō?

12 Diō nshamba na ngwathangākā na bakubi ba Baju ba mibiē' Jisu na didipa yě.

13 Diō ba mibonji kiě nēi pē Annas thĩ; nadiambilindĩ yě wu nki' mbi Kalefas, ngwa wu minisē ngwanēn mbu wutĩ.

14 Diō yě Kalefas ngwa mibonhthi Baju na; yi thĩ yibēnh na mutyi nwoto a gwĩ' pē diambi di botyi

15 Diō Saimon Pitēr bā na njethi nwāka, ba mithē-pili Jisu; diō njethi ti a mivekwa pē minisē ngwanēn, diō yě minyinhthĩ nshamba wumbi Jisu pē mbanja nya minisē ngwanēn.

16 Nji Pitēr a mitētha pē nshēnh pē diashika, diō njethi nwākā tĩ ngwa mivekwa pē minisē ngwanēn, a

midushi, diô yě miľubili na ngwantali diasha ná dinyi-nhliě Pitěr.

17 Diô ngwadishesha ngwa mitali diasha a mikâ Pitěr na; Wě shi' nji' ngwa bajethi ba mutyi wâ? Yě mikâ na, Ana mě yě.

18 Diô bakubi na bashâshě ba mitholi du di maatha na ditěbě ti; nadiambilindĩ di wu divěbi, ba bě jâla veia. Pitěr nji' a mitětha nshamba gwabi na dijâla nji' veia.

19 Diô minisě ngwaněn a mipi' Jisu bajethi běi, na njělla gwěi.

20 Jisu a mibulishi yě na; Mě miluba' kwashi pě botyi běshě; mě mijelikwě pě sunagogi na pě mbanh wumbi Anyambiě, va Baju ba kiě, bikiě na bikiěkě, diô pě dishâthâ mě sha kâ na alombi.

21 Ndĩ wě pika mě? pika bâ ba mijoli mě mbo mě mithathi bâ; sha', ba veka mbo mě milubaka.

22 Diô mia yě mishi' lubila mabongwě ma, ukubi nwoto ngwa mitětha wâ a mibi' Jisu thabanji na; Wě bulishi minisě mbotyi?

23 Jisu a mibulishi yě na, Na mě lubimě bibe, kobi-shi' mě bibe bitĩ; nji na biběnh, ndĩ wě bi' mēni?

24 Diô Annas a milomi yě dipiami pě Kaiefas thĩ ngwa minisě ngwaněn.

25 Diô Saimon Pitěr a mitětha jâla veia. Nani kě bâ ba mikâ yě na; Wě shi' nji' ngwa bajethi běi? A mi-shâshi na dikâ na; Ana mě pě yě.

26 Nwoto ngwa bakubi ba minisě ngwaněn ngwa wu pě ndianh gwěi wu ngwa Pitěr a mikwali gwâlě, a mikâ na; Mě sha jě' wě něi pě akanh?

27 Diô Pitěr a mibali shâshâ, diô kuba ngwa shangwě a mitě lănh.

28 Diô bâ ba mithokwa no diwu' pě Kaiefas thĩ, na dikiě pě mbanh wu dijěliě; nyi wu wu kwalikwali mětě; diô ba tyi minyinhthĩ pě mbanh wu dijěliě, ba jě pě woshi mputyi gwabi, nji na ba die' dibe' di nulia.

29 Diô Paillet a midushi kiě pě bâ ba thĩ, na dikâ na; Nthakwa wutĩ wunzha wu be ndeshiki mutyi wâ;

30 Ba mibulishi na diká yě na, ɲa a bě tyi bě nkâmi ngwa bibe, ka beshě sha ndeshi yě woni gwě thŷ.

31 Pailat a miká bá na ; Nángá yě be ba a jěli yě mbo nthali gwani wu thŷyŷ. Diŏ Baju ba miká yě na ; Beshě shi na nthali wu joli mutyi.

32 Diŏ dibongwě dimbi Jisu di mibě' mbo, di yě milubili, na diveshě ngwebia wu yě ẽ gwa.

33 Diŏ Pailat a mibali nyinhtha pě mbanh wu di-jěliě, diŏ yě mithebi Jisu na diká yě na ; Wě abotyi yi Baju ?

34 Jisu a mibulishi yě na ; Wě lubila dibongwě di wěmětě, do bawá boɲa wě pě diambi diamě ?

35 Pailat a mibulishi na ; Mě Ngwaju ? Divala diámětě na baminisě baněn ba ndeshiki wě woni mě thŷ. Ndŷ wě kâmikamě ?

36 Jisu a mibulishi na ; Bibotyi biamě bi shi bi pěnzhe nyi ; na bibotyi biamě bi bě bi pěnzhe nyi, ka bakubi bamě ba bomi, na mě sha wěbiki pě Baju ba thŷ ; nji va bibotyi biamě bi sha wu' va.

37 Diŏ Pailat a miká yě na ; Wě dě abotyi ? Jisu a mibulishi na ; Wě kâmě na, mě abotyi. Pě diambi di diŏ mě mibialiě, diŏ pě diambi di njikě diŏ mě minzhŷ pě pěnzhe nyi, na mě veshi' pě mbŏ wu mbombo. Mutyi jěshě ngwa thŷ ngwa, mbombo a joka diŏi diamě.

38 Pailat a miká yě na ; Ndŷ thŷ mbombo ? diŏ mia yě mishi lubila mbotyi a mibali dusha pě Baju ba thŷ, na diká bá na ; Mě sha jě' yě na anângá.

39 Nji be ba thŷ na mputyi na, mě patyi' be nwoto pě dibe' di nulia ; be namě na, me patyi' be abotyi yi Baju ?

40 Bá beshě ba mijamília na ; Ana wá, nji Barabasi ; nji Barabasi a wu njanzhi.

### THANGÂKÂ 19.

1 Diŏ Pailat a minânh Jisu na dingâmá yě.

2 Diŏ bashâshě ba milonh apaki yi mashombika, na dibâtyi yě yŏ pě thangâkâ, diŏ ba mibâtyi yě alokeshamba yiběi ;

3 Diô bâ ba mikâ; Mbolo, abotyi yi Baju! diô ba mibi' yê mbanji.

4 Diô Paillet a mibali dusha na dikâ bâ na; Shanga, më ndeshimë yê pê be ba thî, na be ba a veka na, më sha jê' yê na anânga.

5 Diô Jisu a midushi a bê na apa' yi mashombika, na alokeshamba yibëi. Diô Paillet a mikâ bâ na; Shanga' mutyi wâ!

6 Diô mia baminisë banën na bakubi ba mijê' yê, ba mijamilia thobë na; Petyiki yê pê krâsi! Petyiki yê pê krâsi! Paillet a mikâ bâ na; Nânga yê be ba a petyi yê; nadikâna më sha jê' yê na anânga.

7 Baju ba mibulishi yê na; Beshë ba thî na nthali, diô mbo nthali gwashî wu thîyî, a gwîkî, nadiambili-ndî a vityimë nyuli nyëimëtë Miana mbi Anyambië.

8 Nanikë mia Paillet a mijo' dibongwë dinâdi, a mi-nyënh mbondî;

9 Diô yê mibali nyinhtha pê mbanh wu dijëlië, na dikâ Jisu na; Wë miwu tē vî? Njî Jisu a tyi mibulishi yê do dibongwë.

10 Diô Paillet a mikâ yê na; Wë sha luba' na më? Wë sha veka na më thî na nguldi nya dipetyi wë pê krâsi, më thî njî' na nguldi nya dipatyitha wë?

11 Jisu a mibulishi na; Wë sha bê na nguldi na më, vëngë nyi vëbimë gwë na diwu' pê thobë; nanikë yê ngwa milili më pê gwë thî a thî na bibe binën.

12 Na diwu' adukwa yitî Paillet a mina' yê patyitha; njî Baju ba milânhlia thobë na; Na wë patyimë mutyi wâ, wëna wë shi pê na' jombi mbi Kaisar; mutyi jëshë ngwa vityitha nyuli nyëi abotyi, wëna a naka thothe Kaisar.

13 Diô mia Paillet a mijoki dibongwë di, a midushi na Jisu, diô yê midî' shi pê ntyimbi wu dijëlië, pê womba va thebië na ndëkë nya makâki, njî pê nlubia wu Hibu na, Gabatha.

14 (Diô yô yi wu nkosha wu dibe' di nulia, diô di wu digwëla di matani na diwoto,) diô yê mikâ Baju na; Shanga' abotyi jani!

15 Diô ba mijamilia na, Thoka' yê, thoka' yê, petyiki



yě. Paillet a miká bá na; Mě petyiki abotyí jani? Baminisé baněn ba mibulishi na; Beshě shi na abotyí vëngě Kaisar.

16 Naníkě dikanh diti a mivě bá yě na; a petyibiki.

17 Diő bá ba minanh Jisu na dikiě nēi; diő yě mi-bapi krāsi ngwēi na dikiě pē womba va thebiě na, womba va abonzha, wu thebiě pē Hibru na, Gōlgotha.

18 Diő va bá ba mipetyi yě pē krāsi, na botyi ba-wákā baba nēi, pē na nwoto, pē na kē nwoto, Jisu pē tema.

19 Diő Paillet a milēnji diveka, na dikeslē diő pē krāsi. Diő nlenja wu wu na; JISU NGWA NAZERETI ABOTYI YI BAJU.

20 Diveka di Baju balibuthě bá milanh diő, nadikāna womba va Jisu a mipetaniě va wu kuna na mbokě; diő wu milēnjiě na nlubia wu Hibru, na Grik, na Latini.

21 Diő baminisé baněn ba Baju ba miká Paillet na; Sha lēnjiki na; Abotyí yi Baju; nji na; A miká na, Mě abotyí yi Baju.

22 Paillet a mibulishi na; Mě shimě lēndě mbo mě shikamě lēndě.

23 Diő bashāshě mia bá ba mipetyi Jisu, ba minanh bangāyi běi, na dikaba bá makaba manai, shāshě jěshě dikaba, diő ngāyi nēn njikě; nji ngāyi nēn a wu shimbiامي na ntyuthě tyi nlatyiki.

24 Diő ba miká bá na bá na; Bena sha nwanjiki yě, nji nkāmika' akaniki pē yě ngwa yě ē bē ngwēi; diő nlenja wu mibě mbo wu ká na; Ba mikabilia bangāyi bamě, diő pē ngāyi ngwamě ngwaněn, ba mikām' akaniki. Diő bashāshě ba mikāmi bilombi bi.

25 Diő nyanh mbi Jisu, na manyanh ngwa nyanwě, Meri, miali mbi Kliopa, na Meri ngwa Magdala, ba mitētha kuna na krāsi mbi Jisu.

26 Diő mia Jisu a mijě' nyanwě, na njethi tí ngwa yě midinga tēbitēbi, a miká nyanwě na, Miali wā, atē yā miana!

27 Diő yě miká njethi na; Atē nyanwě. Diő nadi-wu' adu' yití njethi tí a mitali yě pē mbanh gwēi mētě.

28 Pisha nya ma' ma, Jisu vekami na; bilombi biě-

shê bi shimê, a mikâ na; Mê gwîmê aveshithê, diô nlênja wu mibê mbombo.

29 Diô ashuka yi mitêtha tî bēni na vinigar; diô ba milonishi spōnji na vinigar; diô ba mikēshi yê pē tha-kaki, na dikēshê yê pē gwana gwēi.

30 Diô mia Jisu a minānh vinigar, a mikâ na; Yi shimê; diô yê mijabi thangākâ, na digwa.

31 Diô yi wu *ashu yi* nkosha, nanikê Baju ba mishoshili Paillet na, mako' mabi ma bukwê, biô dithokwa *pê krâsi*, na, bikiēnh bi sha bē, pē krâsi busha bi shānā, nadikānā busha bi shānā bitî bi wu busha binēn.

32 Diô bashāshê ba minzhî na dibuka mako' ma ngwangwîkê, na nwākâ ngwa mipetyibi nēi.

33 Diô mia bâ ba minzhî pē Jisu thî, ba mikâbi yê a shāshamê, diô bâ ba tyi mibu' pē na' mako' mēi.

34 Nji shāshê nwoto a milumi yê dikānh pē thambanja, diô dikitha na madiba ba mitê' dusha.

35 Diô yê ngwa mijê' a miveshi, diô nvesha gwēi wu thî mbo; diô yê veka na, a kâ mbombo; na be ba a mēliê.

36 Nadiambilindî ma' ma ma mibê, diô nlênja wu mibê mbombo na; Avesha jēi yi sha bu' do yiwoto.

37 Diô nlênja wuākâ wu kâ na; Ba a yê shanh, ngwa bâ ba milumi.

38 Pisha nya ma' ma, Josēfi ngwa Araimethia, njethi mbi Jisu, (nji ngwadishāthâ pē diambi di nyēnh wu Baju,) a mishoshili Paillet na, a thoki nyuli nyambi Jisu, diô Paillet a mimēli Nanikê a minzhî na dithotha nyuli nyambi Jisu.

39 Diô Nikodimo a minzhî nji' (ngwa mibonji nzha pē Jisu thî na mpuma) na dindeshê mbunja wu mur na aloe, wu wu nkama wu magwēla.

40 Nanikê ba ba minānh nguli nyambi Jisu, na di-dipa nyô na mindamba mi linin na mbunja wutî, ntyinh mbo ndipia wu bikiēnh wu Baju wu wuthê.

41 Diô pē womba va yê mipetyibi va wu na akanh, diô pē akanh yîti shānh nyakia nyi wu tî, nya tyi mishāthibi akiēnh na peli.

42 Ti bâ ba mini' Jisu pē diambi di *ashu yi* nkosha wu Baju, nadiambilindî shānh nyi wu kuna.

## THANGÂKÂ 20.

1 Diô Meri ngwa Magdala a mikunji kiê divityiki shi pë shânh; diô yë mijë' dikâ' thoki nadiwu' pë shânh.

2 Diô yë mipunji kiê pë Salmon Pitër thî na pë njeli nwâkâ thî ngwa Jisu a midinga, na dikâ bâ na; Ba thokimë Shanwashî pë shânh, diô bena sha veka va bâ ba nikwamë yë.

3 Nanikë Pitër bâ na njethi nwâkâ ba midushi na dipama pë shânh.

4 Diô bâ bëshë ba mipunji nvili nshamba wuoto; diô njethi nwâkâ a mida' Pitër, na dibonda nzha pë shânh.

5 Diô yë mibalibi na dijë' bangâyë ba linin bia; nji a tyi minyinhthi.

6 Diô Pitër a mithëpili yë pishë na dinzha na dinyinhtha pë shânh; diô yë mijë' bangâyë bia;

7 Na avëlësh, yi wu pë thangâkâ thëi, do bë bia pë va bangâyë ba linin ba wuthë, nji wutyiwutyi womba na vëi.

8 Diô dikanh ditî njethi nâ ngwa mibonji nzha pë shânh, a minyinhthi; diô yë mijëni na dimëlië.

9 Nadiambilindî na dinzha adukwa yitî, ba tyi mive' nlënja na, a jomikwa pë digwa.

10 Diô bajethi ba mibali bulia pë mimbanh miabi.

11 Nji Meri a mitëtha pë shânh a bë thetha. Diô mia yë mitheka, a mibalibi shanh pë shânh;

12 Diô yë mijë' baenjël baba didi na bangâyë bapumi nwoto pë va thangâkâ thambi Jisu tha minikanië, nwoto njikë pë va mako' mëi ma wuthë.

13 Diô bâ ba mikâ yë na; Mimiali wâ, wë the' ndî? a mikâ bâ na; Nadiambilindî ba nânhmë Shanwamë, diô më sha veka va bâ ba nikwamë yë.

14 Mia yë mishi lubila mabongwë ma, a mivitya shanh, diô yë mijë' Jisu tëli; diô a tyi mive' na, yë Jisu.

15 Jisu a mikâ yë na; Mimiali wâ, wë the' ndî? nzha ngwa wë toka? Nji a mivanh kâ na, yë mëtë

akanh, diô yê mikâ yê na ; Shaŋwamê, na wê thokimê yê va, boŋa mē va wê niki yê, diô mē ē kiê yê thotha.

16 Jisu a mikâ yê na ; Meri ! Dio yê mivitya na dikâ yê na ; Raboni ! nzhilia na ; Njeli .

17 Jisu a mikâ yê na ; Sha bie' pē mē ; nadikâna va, mē sha beta pē Shaŋwa' thî ; nji kiêkê pē bamanyanh ba' ba thî, na dikâ bâ na ; Mē thî beta pē Shaŋwa' thî, na pē Shaŋwani thî, pē Anyambiē ngwamē thî na pē Anyambiē ngwani thî.

18 Diô Meri ngwa Magdala a minzhî na thatha baje-thi na ; A jēmê Ngwashanwê, diô yê shikamê nji' yê kâ ma' ma.

19 Pē ashu yi gwikê yi shânâ yitî, adu' yi ngontho-ma, mia masha' ma wu tyi, pē va bajethî ba wuthê pē diambi di nyēnh wu Baju, Jisu a minzhî na ditêbê pē tema nyabi, na dikâ bâ na ; Mbolani !

20 Diô mia yê mikâ ma' ma, a milebili bâ mabô mēi, na thambanja thêi. Diô bajethi ba midoni mia bâ ba mijê' Shaŋwabi.

21 Diô Jisu a mibali kâ bâ na ; Mbolani ! Mbo Shaŋ-wê a milomi mē, nanikê mē loma begwê.

22 Mia yê mishi lubila ma' ma a miwunli bâ pulli, na dikâ bâ na ; Nânga' Nshinhshinh wu akitha.

23 Bibe bi mutyi jêshê bi be patyitha bâ, bi i nji' bē patyi pē bâ ba thî, diô bibe bi mutyi jêshê bi be delishê, bi i nji' bâ bē delami.

24 Diô nwoto pē diom na baba, Tōmasi, ngwa mitho-libi na Didumûsi, a tyi miwu nabi, mia Jisu a minzhî ;

25 Diô bajethi bawâ' ba mikâ yê na ; Beshê ba jēmê Shaŋwana. Nji a mikâ bâ na ; Na mē sha jê' mabonha ma mandâkâ pē makânzhi mēi na dikêshê vina viamê pē mabonha ma mandâkâ, na dikêshê nji' mbô gwamê pē thambanja thêi, mē tyi mamêliê.

26 Diô pisha nya mashu matani na malali, bajethi bēi ba mibali shâbilia pē mbanh ; Tōmasi a wu nji' tî. Diô masha' ma wu tyi, diô Jisu a minzhî na ditêbê pē tema nyabi, diô yê mikâ bâ na ; Mbolani !

27 Diô yê mikâ Tōmasi na ; Shushiki vina woni, Shatê mabô mamê ; Shushiki mbô gwâ' woni na di-

kěshi gwō pē thambanja thamě; diō sha bē' tyi mēlia, nji mēli ngěndě.

28 Diō Tōmasi a mibulishi na dikā yē na; Sha-  
ngwamě, na Anyambiě ngwamě!

29 Jisu a mikā yē na; Tōmasi, nadiambilindī wē  
jēmě mē diō wē mēliakamě; dibatā di thī nabi ba mē-  
limě mia tī ba sha jēně.

30 Diō Jisu mbombo a mikāmi ma' mamamia mawā-  
kā malibuthě pē maboshi ma bajethi bēi, ma shi lēnja-  
mi pē ashaṅgobi yi;

31 Nji ma' ma ma milēnjiě, nadikāna, mēliaka' na  
Jisu yē Krai Ngwamiana mbi Anyambiě; diō pē mē-  
lia wuti na, be bē' na thakiki pē diambi di dina diēi.

#### THANGĀKĀ 21.

1 Diō pisha nya ma' ma, Jisu a mibali jēnia pē baje-  
thi ba thī pē nsho wu Taibiria; diō yē mijēnia pē bā  
ba thī na ntyinh wi.

2 Ba wu tī Saimon Pitēr, bā na Tomasi ngwa mitho-  
libi na Didumūs, na Nataniěl ngwa Kena ngwa Galili,  
na bana bambi Zēbidi, na bajethi bawā' baba.

3 Diō Saimon Pitēr a mikā na; mē thī kiě jo' bashě;  
diō bā ba mikā yē nā; Bena beshě ba thī kiě. Diō ba  
midushi na ditēkē tābā pē alenji, diō mpuma wutī ba  
tyi mijo' shě do nwoto.

4 Nji mia busha bi mibě malēnji, Jisu a mitētha pē  
nshaka wu nshothī; nji bajethi ba tyi mive' na yē  
Jisu.

5 Diō Jisu a mikā bā na; Bana bamě, be ba thī na  
bashě? Ba mibulishi yē na; Bia.

6 Diō yē mikā bā na; Wushika' aloba pē mbō wu-  
shaṅwē wu alenji, wēna be jēmě. Nanikě bā ba mi-  
wushi, nji sha' bā tyi miwoli yō dambitha na dibutha  
di bashě.

7 Diō njethi wā ngwa Jisu a midinga, a mikā Pitēr  
na; Yē Shaṅwashi. Diō mia Saimon Pitēr a mijo' na,  
yē Shaṅwē, a mibātyi ngāyi ngwēi (nadikāna a wu  
nshambě) na dithebitha pē nsho.

8 Diō bajethi bawā' ba minzhě na alenji, (nadikāna

ba tyi wu nëngi na kinjiki, nji ntyinh mbo mabom ma biwuba matani) ba bë dambitha aloba yi bashë.

9 Diö mia bâ ba mitâtya pë kinjiki ba mijë' du di maatha tî, na shë tî bupa, na mpëmbe bia.

10 Jisu a mikâ bâ na; Ndeshekwa' pë bashë ba be jokamë va.

11 Diö Saimon Pitër a mitâtya na didambitha aloba pë kinjiki, bëni na bashë banën, nkama na mabom matani na bashë balali; bashë ba wu balibuthë diö aloba yi tyi mingabië.

12 Jisu a mikâ bâ na; Nzha' diakani; nji tyi mibë na njethi ngwa miyishibi pika yë na; Wë nzha, nadi-kâna ba wu ve' veki na, yë Shaṇwë.

13 Diö Jisu a minzhî, na dinânh mpëmbe na divë bâ, na shë njikë.

14 Di diö dikanh dilalië di yë mijënia pë bajethi bëi, yë jomi pë digwa.

15 Mia bâ ba mishili didia Jisu a mikâ Saimon Pitër na; Saimon mbi Jona, wë dinha më nulami na ba? A mikâ yë na; Inh, Shaṇwamë wë veka na, më dinha gwë. Diö a mikâ yë na; Dieshiki bilëkë bi bindâmâ' biamë.

16 Diö yë mibali yë kâ dikanh dibali na; Saimon mbi Jona, wë dinha më? A mikâ yë na; Inh, Shaṇwamë, wë veka na, më dinha gwë. A mikâ yë na, Dieshiki bindâmâ' biamë.

17 Diö yë mikâ yë dikanh dilali na; Saimon mbi Jona, wë dinha më? Pitër a mijë' ngâtâ nadiambilindî a mipi' yë dikanh dilali na; Wë dinha më? diö a mikâ yë na; Shaṇwamë, wë veka mambi mëshë, wë veka na, më dinha gwë. Jisu a mikâ yë na; Dieshiki bindâmâ' biamë.

18 Mbombo më kâ wë na; Mia wë wu digwanja, wë mityinhli bityumba biâ' na thënhtha va wë minaka; nji mia wë ë bë nthombiki, wë ë jali mabö mayë, diö nwâkâ a a tyinhlië wë bityumba, na dikëshë gwë va wë tyi naka.

19 A mikâ dibongwë di pë diveshë ngwebia wu yë ë

něnishě Anyambiě na gwōni. Diō mia yě mikā dibo-  
ngwě di a mikā yě na; Thěpili' mē.

20 Diō Pitēr a mivitya na dijě' njethi ngwa Jisu a  
midinga ngwa mijěbi nji' pē tothi nyēi pē atabili na  
dikā na; Shanwashī, ngwa a wě bieshě yě nzha? a bē  
bē thěpiliě.

21 Mia Pitēr a mijě' yě a mikā Jisu na; Shanwamē,  
wa kē kāmā ndī?

22 Jisu a mikā yě na; Na mē mēlimē na a bē' va vē-  
ngē na mē nzhimē, yō ndī nāyē? Wě nji' thepili mē.

23 Diō dibongwě di di mikiě pē bajethi ba thī na,  
njethi tī a tyi gwa; nji Jisu a tyi mikā yě na, a tyi ma-  
gwa, nji; Na mē mēlimē na a bē' va vēngē na mē nzhī-  
mē, yō ndī nāyē?

24 Wa yě njethi ngwa veshě pē mbō ma' ma, na dilē-  
ndē mambi ma; diō beshě ba vemē na nvesha gwei wu  
thī ngē mbo.

25 Diō mambi mawā' malibuthě ma thīyī, ma Jisu a  
mikāmi, na ma bē ma a lēnjiě mō meshě, mē jē na  
pēnzhe nyi nyōmētě nyi tyi kumba koka bishanangob  
bitī bi kumba lēnjě. Amēn.

